

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأوامر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - المحدث : الألباني - المصدر : صحيح الترغيب - خلاصة حكم المحدث : صحيح

congenital anomalies
biliary atresia و ال Choledochal cyst

ال Biliary atresia ، ده سؤال written
أو حالة ،

ال biliary atresia ، يجي سؤال written أو case presentation
طباً

Choledochal Cyst

ال Choledochal cyst

لو تيجي ، يعني ... تيجي MCQ

ليه بقا ؟؟

هو أنا لو جيت أقولك حاجة عن ال choledochal cyst مثلاً

أبقا عايز طالب البكالوريوس يعرف إيه ؟؟؟

إنها rare condition

طيب ،

وأنا عرفت منين يا أولاد إنها rare condition ؟؟؟

أكتبه ال Incidence

أقوله : إنها واحد في المليون ، واحد في المليون واثنين من عشرة مليون " يعني واحد في 1.2 مليون "

فاهمني ؟؟؟

إنما لما أحطله نسبة ،

أقوله : إنها واحد في المليون ، **يبقا أنا عايز أقوله إيه ؟؟**

إنها rare

فأنا يهمني الطالب في ال MCQ

يبقا عارف ، إن ال Choledochal cyst ده مرض rare

وبعدين ،

VISIT...

LANZAROTE
Caliente.COM

الطالب يعرف عن ال Choledochal cyst إيه كمان ؟؟؟
إنها dilatation في ال bile duct بتاع ال wall

أول حاجة يا أولاد ،
واخدين بالكم من ال Choledochal cyst ، إنها rare
واحد في المليون

More common in females
ليها female predominance

دكتورة ، دي MCQ
اللي هي مبتتلش
واحد في المليون ، و More common in females

وبعدين ،
الطالب يسأل ، إيه اللي يخلي ال bile duct توسع ؟؟؟
الإجابة إيه ؟؟؟
مش عارفين
نقوم نسكع theory

ناس تقولك : ممكن congenital weakness
يعني ال bile duct بتاع ال wall ده congenitally loose

وناس تقولك : يمكن intra uterine infection

وناس تقول : ال pancreatic juice دخل ال common bile duct ووسّعها

مش إحنا يا أولاد ،
في ال pancreatitis ، دخلنا ال bile على البنكرياس ؟؟؟!! تمام
هنا دخلولي البنكرياس على ال bile
فاهمني ؟؟؟

- Congenital weakness
- Viral infection
- Pancreatic enzyme ضعف ال wall
- Autonomic disturbance

فين الكلام المهم ؟؟ فين الكلام المهم اللي بيجي في ال MCQ ؟؟؟
ال commonest form of Choledochal cyst
ال diffuse dilatation
مكتوبة عندكم بخط أسود أد كده

يا أولاد ،
أنا عندي مشكلة على فكرة ،
أنا حاولت أعلم الحاجات بتاعت ال MCQ ،
يعني لقيت الطلبة ، بتحب أوووي حكاية ال MCQ فبتعلم عليه ،
لقيت إني هزود ¼ الدرس

خلي بالكم يا أولاد ،
في النسا ، كتاب القسم
فكتاب القسم ده ، كل اللي هنعمله إن إحنا نقوم مفرغينه على كتاب ال written
ونعلم على المعلومات بتاعته ، فبتبقا MCQ
لأن الموضوع Limited بكتاب

إمّا أقولك : المرجع هو دماغك ،
لما تيجي تقرأ ال sources بتاعت ال MCQ ، أربعة ، ولا خمسة sources
هعلم على المنهج كله
فاهمين ؟؟؟

فإنتوا هتلاقوني بركز شوية في ال MCQ
شوية على الحاجات اللي مش هتتشرح
زي ال Choledochal cyst كده ،
أنا من رأيي إنها rare ، والله جابها written ، خلاص بقا متكملش الورقة
هتلاقي بقية الورقة ،
فاهمني ، يبقا الكفار جوا في القسم ،
تروح تطوف حوالين منهم

إمّا إيه اللي يجي ؟؟؟
ال biliary atresia ، أه يجي يا أولاد written وتيجي MCQ

طيب ،
هو ال choledochal cyst يهمني في ال MCQ إيه ؟؟
رقم واحد ال Incidence ، واحد في المليون
تاني كلمة ، إنها More common in females

ال incidence مهم أوووي يا أولاد في ال MCQ

تاني كلمة تهمني في ال MCQ ،
إن ال commonest form
ال diffuse dilation

تاني كلمة تهمني في ال MCQ ،
إن ال commonest form ، ال diffuse dilatation

يعني ال Liver يا أولاد ،، ال bile duct كلها تبقا dilated
ال Intra hepatic وال extra hepatic

أومال الكلمة الثانية اللي تهمني؟؟؟

إن ساعات العيان يبقا عنده dilated bile duct
Intra hepatic بس
لكن ،،

ال extra hepatic ،، لا

يقولوا عليها Caroli's disease

كاروليز disease

إن العيان يبقا عنده dilatation في ال Intra hepatic بس
مش extra hepatic

بصوا يا أولاد ،،

لو أنا بسقط طالب بكالوريوس ،،

دخلي طالب شاطر في ال clinical ،، عايز أسقطه أنا حر ،،

أقوله : تعال يا حبيبي ،، عيان عنده obstructive jaundice ،، يا ابني " وإموشن رخم "

تحب تعمله Investigations إيه؟؟؟

" إموشن الدكتور هيجابو عشان يحصلوش حاجة من مستوى الموجودين معاه "

أنا هقول علطول عشان يحصليش حاجة ،، liver function

هلاقي ال bilirubin عالي ،، ال direct

وال alkaline phosphatase عالي

وال Prothrombin time بيكون prolonged

أقوله : طيب ،، تحب تعمل إيه؟؟؟

يقولي : طالما جيت الكبد ،، يا ريت تجيب سيرة الكلاوي عشان هي حاجة واحدة

وكبد وكلاوي مع بعض ،، اسمها hepato-renal

نقوم نقوله : تحب تعمل إيه يا ابني تاني؟؟؟

يقول : والله أحب أعمل urine analysis

أقوله : ماله ال urine؟؟؟

يقول : dark

بيكون dark عشان ال direct bilirubin

Frothy عشان إيه؟؟؟

ال bile salts

الواد جاوب ،،

ال stool؟؟

Clay

تسيبه ؟؟؟؟!! الواد بيسمع حلو أوووي

طبطب عليه ،،

قوله إيه أهمية السونار في Obstructive jaundice؟؟؟

الشاطر فيكم ، هيفتكر علطول ، Intra hepatic bile duct dilatation

أقوله : طيب ، وال extra hepatic bile duct dilatation؟؟؟

هيقولي : ال sonar مش حلو أوووي في ال common bile duct

هو accurate في ال Liver

لكن ،

مش حلو أوووي في ال common bile duct

أقوله : طيب ، أفرض لقيت عيان فعلاً ، عيان عنده common bile duct في ال stone

يوسع ال Intra hepatic وال extra hepatic

واحد عنده stone في ال common bile duct

يوسع ال bile duct :

• Intra hepatic

• و extra hepatic

أقوم أسأله : طيب ،

إمتى يكون فيه عيان ، عنده dilatation في ال intra hepatic bile duct

مش ال extra hepatic؟؟؟

يقولي : ال Caroli's disease

بأمانة إيه؟؟؟

لسه واخدينه ☺

أو تلاقي سرطان في ال Porta hepatis يقوم يوسع ال Intra hepatic وميوسعش ال extra hepatic

جاوبت كده ،

تقوم تسلم على الدكتور ، وتقوله : إنك واد جامد ،

ألف مبروك يا دكتور ☺

مع السلامة وحطلي ال full mark

الطالب الي زي ده ، الدكتور مش هيوقفه يعني ، أو هيوقفه ، بس يبقا حرام عليه

حتى لو وقفه لازم يحطله ال full mark

دا طالب شاطر وبيفهم ، و oriented to time place and time ☺ فاهمني يا أولاد؟؟

يعني من الحاجات الي تعمل dilated intra hepatic bile duct

لكن ،

ال extra hepatic لا

ال Caroli's disease ده ، و يكون فيه cholangio carcinoma في ال Porta hepatis

يبقا فيه cholangio carcinoma في ال Porta hepatis

طيب ،

هو الواد اللي عنده choledochal cyst

بيجي يشتكي من إيه ؟؟؟

Jaundice ،، بس في ال childhood

خلي بالكم يا أولاد ،،

ال biliary atresia ،،

Jaundice في طفل ،، Neonates ،، فاهمني ؟؟؟

ال choledochal cyst

Jaundice في child ،، فاهمين الفرق ؟؟؟

ال biliary atresia

ركزوا معايا ،، دي jaundice في neonates

Obstructive jaundice في neonates

ال choledochal cyst

Obstructive jaundice في childhood

يعني ،،

مش أول ما الواد يتولد ،، Later on in life

طيب ،،

يا أولاد ،، الواد اللي عنده choledochal cyst ده ،، أعمله Investigations إيه ؟؟؟

زيه ،، زي ال jaundice

زيه ،، زي أي عيان obstructive jaundice

Liver functions,, kidney function,, urine,, stool,, ultra sound,, ERCP

فاهمني ؟؟؟

زيه ،، زي أي عيان jaundice

مفيش حاجة غريبة يعني

علاجه ؟؟

بصوا يا أولاد ،،

لو حد عنده choledochal cyst ،،

نقول أمثلة مثلاً ،،

حد عنده choledochal cyst في حته من ال Liver بس ،، وبقيت ال liver كله زي القشدة ☺

بصوا يا أولاد ،،

حد عنده choledochal cyst في حته من ال Liver بس

لكن ،،

بقية ال Liver كله زي الإشطة

ده بنعالجه إزاي يا أولاد ؟؟

تشيل حته من ال liver

أشيل أيها حنة؟؟

اللي فيها cyst ، سهل أووووي

صح؟؟

مش أنا ممكن أعمل partial hepatectomy

لعلكم أنا ممكن أشيل حنة من ال Liver

خدنا الكلام ده فين؟؟ مرض خدنا فيه Hepatectomy؟؟ أوله heap 😊 وبعديها تاني كلمة Oma يبقى إيه؟؟

Hepatoma ، برافوا عليكم

مش إحنا خدنا أنواع ال hepatectomy فيها

وقولتكم : left hepatectomy و right hepatectomy

وقسمتكم ال Liver؟؟

ف يا أولاد ،

لو حد عنده dilated intra hepatic bile duct في حنة ،

يبقا partial hepatectomy

طيب ،

إيه رأيكم يا أولاد ،

لو الكبد كلها ، كلها caroli's disease

Dilated intra hepatic bile duct

في ال liver كله؟؟ أعمل إيه يا أولاد ، لو ال intra hepatic bile duct كلها dilated؟؟

Liver transplantation

ملهاش حل ،

لو ال bile ducts كلها dilated

يبقا Liver transplantation

بنعمله segmental يعني

بنأخد segment منين؟؟

من الأم ،

عشان يبقى إيه؟؟

يا كبد أمه 😊

برافوا عليكم ، أديكم فاكرين أهو

عشان الواد يا عيني عنده Jaundice ، وأمه بتعيط

بتقول : يا كبد أمك ، يا كبد أمك

يقوموا واخدين حنة من كبد أمه حاطينها

حاجة بيقلوها عليها ، segmental liver transplantation

على فكرة ،

ال segmental liver transplantation ، أي حد مزنوق مثلاً في 40,000 جنيه ولا حاجة ،

يقوم رايح متبرع بحتة من كبده ، لواحد

تمنيتها في السوق دلوقتي 40,000 جنيه
بعد كده هترخص ،
أنا بقولكم أهو ،، عشان لو فيه حد منكم ناوي يكون نفسه ،
ال segmental liver transplantation من الحاجات الشائعة اليومين دول أووووي في البيع
إشمعنا ؟؟

الكبد بتاعتنا عفريته ☺
غير ال kidney transplantation ،، تببيع كلية ،، هتقعد بكلية واحدة

ال liver transplantation ،، تشيلك حته من ال Liver
يكبر ،، ويعوض نفسه
ويبيع ثاني ،، أأأأه

يكبر يا أولاد ويعوض نفسه
إلا لو ال Liver كان cirrhotic
فاهمني ؟؟؟

عشان كده يا أولاد ،،
إحنا ممكن نعمل للعيانين دول ،، حاجة اسمها segmental liver transplantation

ثاني يا أولاد ،،
لو ال choledochal cyst واحدة حته بس ،، هنعمل إيه ؟؟
Partial hepatectomy

لو ال dilatation واخد ال liver كله ؟؟؟
Liver transplantation

أومال ،، لو المشكلة بره ؟؟
يعني ال bile duct كانت dilated بره ؟؟؟
بصوا يا أولاد ،،
ركزوا معايا في دي ،، عشان إنتوا لو فهمتوها ،، بيقا خلاص
أنا مطمئن عليكم
مطمئن عليكم مش في ال choledochal cyst بس ،، لا في حاجات كتيرة أووووي

بصوا يا أولاد ،،
هفترض كده ،، إن فيه عندي choledochal cyst
بصوا يا أولاد ،، هنقطع ال jejunum كده ،، واقطع ال bile duct كده
وأخد ال jejunum ال distal end ،، أطلعها فوق
وبعدين ،، أوصل هنا ،،
عملية اسمها hepatico-jejunostomy Roux -en - Y
فاكرين ؟؟؟

قولتلكم : اللي عمل قصة ال anastomosis ده ،،، ضكتور إسمه روكس Roux " رو النطق بتاعها رو مش روكس بس الدكتور بيهزر "

فاهمني؟؟؟

Roux بالفرنساوي ،، رو

Hepatico-jejunostomy Roux en Y هي عملية اسمها

ليه يا أولاد سموها en Y؟؟؟

عشان ال anastomosis شبه ال Y

واضحة يا أولاد ولا لا؟؟

هتيجي سيرتها كثير أووووي

بصوا يا أولاد ،، الجراح ده talent ،، أي حاجة في ال bile duct بره

نقصها ،، ونرميها

واحد شغال بيعمل cholecystectomy

عَوْر ال common bile duct ،، ف healed ب stricture

راحت عاملة jaundice

hepatico-jejunostomy Roux-en- Y operation واعمل

فاهمين؟؟

واحد جاله ،، ورم ،، cholangio carcinoma في حنة و resectable

hepatico-jejunostomy Roux-en Y شيلها وأعمل

أي مشكلة في ال Bile duct بره ،، يبقا hepatico-jejunostomy أو choledcho jejunostomy ،، ال Roux-en-Y

أي مشكلة ،، في ال Liver فوق

• يا hepatectomy

• يا liver transplantation

الجراح ميعرفش يتعامل مع الكبدة نفسها ،،

إلا بطريقتين :

• Partial hepatectomy

• يا Liver transplantation

،، لكن

بره يأخذ الممبار ويطلع يعمل بيه ال anastomosis

واضحة يا أولاد؟؟؟ إن شاء الله

Biliary atresia

هو يعني إيه atresia في الأصل؟؟؟ يعني إيه atresia؟؟؟

Failure of re-canalization

خلي بالكم يا أولاد ،،

ال biliary atresia ،، ال incidence بتاعها واحد في ال 10,000

أنا عارف إنكم مش متعودين تبصوا على ال Incidence

بس إنتوا اتعودوا ،، خلاص

إنتوا هتلاقوا ال MCQ كلها كده ،، ال incidence of biliary atresia :

a. واحد في ال 10,000

b. واحد في ال 5,000

c. واحد في ال 1,000

d. واحد في بيتكم

e. Non of the above

هي دي الأسئلة ،، هي دي الأسئلة الي متتجاوبش

الباقى ممكن يتجاوب ،، لو فكر هيجبها

فاهمين يا أولاد ؟؟؟

يا أولاد ،،

العيان الي عنده biliary atresia ،،

كلمة biliary atresia ،، معناها failure of re-canalization

حد عنده biliary atresia ،،

الواد يشتكي من إيه ؟؟؟

من jaundice ،، برافوا عليكم

هيبقا لونه إيه ؟؟

أخضر ،،

إيه ؟؟؟

زيتوني

زيتونة مالها ؟؟؟

بتهرش ☺

زيتونة إيه ؟؟؟ بتهرش

وينزل في القاعدة إيه ؟؟؟

طحينة ،،

بس هنا في البامبرز

فرق مكان بس ،، لكن ،، هو هو ال obstructive jaundice

الواد أخضر زيتوني ،، وبهرش ،، وينزل في القاعدة عسل وطحينة

طيب ،،

يا أولاد الواد ده لما أفحصه general ،، ممكن ألاقى scratch marks ؟؟؟

أه ،، بيهرش أكيد

طيب ،،

الواد ده لما أفحصه Local examination ،، ألاقى إيه ؟؟؟

ألاقى ال gall bladder كبيرة ولا صغيرة ؟؟؟

هي ال atresia فين ؟؟؟

- لو ال atresia تحت ال gall bladder ، هلاقي ال gall bladder كبيرة
- لو ال atresia فوق ال gall bladder ، هتلاقي ال gall bladder صغيرة

بصوا يا أولاد ،

لو ال atresia تحت ال gall bladder ، هلاقي ال gall bladder كبيرة
لو ال atresia فوق ال gall bladder ، هلاقي ال gall bladder صغيرة

أنا عايز أوصل لكلمة كده ،

إن ال obstructive jaundice ، يعني زتونة بتهرش ، وبتنزل عسل وطحينة
وفي ال general examination ، نلاقي scratch marks
وبعدين أروح على البطن أدور على ال Courvoisier
دي ثوابت عايزها في دماغك
نروح على السرطان ، نزود Virchow's
نروح على ال stone نقوله ، ال gall bladder contracting
فاهمين يا أولاد ؟؟؟

لكن ،

أي طالب تقوله : obstructive jaundice
يقولك : زتونة بتهرش ، وعسل وطحينة ، و scratch marks ، و Courvoisier
وبعدين نفكر ،
إحنا calcular ولا malignant ولا إحنا إيه ؟؟؟
واضحة يا أولاد ؟؟

طيب ،

الواد اللي عنده biliary atresia يا أولاد ، إيه ال investigations اللي أعملها له ؟؟؟
ال Liver functions
على فكرة ،
اللي لغاية دلوقتي ، عمال أقوله : مثلاً ال biliary atresia تعمله investigations إيه ، قعد يفكر
براحته ، براحته بقا ميذاكرش

طبعاً يا أولاد ، لما تلاقوا حد كده
متجوز هوش ، لسه صغير

بصوا يا أولاد ،

لو حد عنده biliary atresia ، هنعمله liver function ، هلاقي ال direct bilirubin إيه ؟؟؟ عالي
وال alkaline phosphates ؟؟؟ عالي
وال prothrombin time ؟؟؟ prolonged
طيب ،
بعد ال liver function أعمله إيه ؟؟؟
ال kidney function

إشمعنا؟؟

أصلها حَلَّة واحدة ،، كبد و كلاوي

طيب ،،

بعد ال kidney function؟؟ أعمله إيه؟؟

Urine و stool

ال urine ألاقه dark و frothy

Dark ليه؟؟

Direct bilirubin

Frothy ليه؟؟

عشان ال bile salts

طيب ،، بكشف عن ال frothy ب test إسمه إيه؟؟

حاجة كده Sulpher test

طيب ،،

يا أولاد ،، لما أعمل sonar ،، ألاقى إيه؟؟

يمكن ألاقى dilated intra hepatic bile duct

إلا إذا كانت ال atresia ،، intra hepatic

ألاقى dilated intra hepatic bile duct

Unless ،، إن ال atresia كانت intra hepatic

أومال ،، إيه أحلى investigation في ال biliary atresia؟؟

ال HIDA scan

مبعرفش في العيال الصغيرين نعمل ERCP ،، المناظير بتاعتهم بتبقا صعبة شوية

فالأحسن هنا ،، إننا نعمله حاجة اسمها HIDA scan

Liver ال Iso-toping scanning على

هو ،، لو واحد عنده biliary atresia ،، يا أولاد

الكبد ،، تأخذ ال iso tope من ده؟؟

أه ،، أصل الكبد سليمة

لكن ،،

متعرفش تفرزها في ال duodenum

إشمعنا؟؟

عشان الماسورة مسدودة

لكن ،،

العيان اللي عنده hepatitis ،، ميأخدش ال iso-topes أساساً

لأن الكبد عيانة

إذاً ال HIDA scan من الحاجات المهمة ، في ال biliary atresia
ال HIDA scan الي هو ال Iso-tope scan على ال liver
الي هو ال Hydroxy Imedinodiacetic Acid ، مش مهم
Liver ال Iso-tope scanning على ال

تاني يا أولاد ،

هو عيان ال biliary atresia ، لو عملتله sonar
ألاقي إيه ؟؟؟

Dilated intra hepatic bile duct, unless
intra hepatic تكون atresia ال

طيب ،

يا أولاد لو عملتله HIDA scan ، ألاقي إيه ؟؟؟

ألاقي ال Liver باين ،

لكن ،

ال iso-tope ميروحش ال duodenum ، السكة مسدودة

ال biliary atresia

ال liver بيان ، ال liver سليم

واخذ ال iso-tope وكل حاجة ، بس مش عارف يوصله لل duodenum
عشان السكة مسدودة

عكس ال neonatal hepatitis

ال neonatal hepatitis ، ال Liver ميأخذش ال iso-tope من الدم أساساً
لأن الكبد عيانة

يقوم ال neonatal hepatitis ، Non visualization of the liver

ال biliary atresia ، visualization of the liver but, no visualization of the duodenum

طيب ،

وال Normal ؟؟؟

Visualization للأثنين ، ال liver وال duodenum

لأن الكبد بتأخذ ال iso-tope وتوديه ال duodenum

فهمتوا يعني إيه HIDA scan ؟؟؟ ال iso-tope scanning على ال Liver

ال normal فيه ، إن الأثنين يبانوا ، ال Liver وال duodenum

في ال biliary atresia ، ال Liver بيان ، وال duodenum لا

في ال neonatal hepatitis ، لا Liver ولا duodenum

طبيب ،

ليه يا أولاد ال duodenum مبانث رغم إن السكة patent ???

عشان الكبد مكدتش ال iso-tope أساساً

فاهمني ولا مش فاهمين ???

طبيب ،

العيان اللي عنده ، biliary atresia ، أعالجه إزاي ???

هو السبب intra hepatic ولا extra hepatic ??

• لو السبب Intra hepatic ، الجراح بيتعامل مع ال Liver إزاي ?? liver transplantation

• طبيب ، لو السبب extra hepatic ، الجراح بيتعامل إزاي ?? بشيلها ويأخد jejunum

Hepatico-jejunostomy Roux-en-Y operation

أومال إيه الجديد ???

إن العملية دي في ال biliary atresia إسمها Kasai operation

ال hepatico-jejunostomy في ال biliary atresia اسمها Kasai operation

اسمها كده ،

كان ممكن بيقا اسمها حنفي " مالهم يعني اللي إسمهم محمود ☺ "

بس هي اسمها Kasai operation

دلوقتي يا أولاد ، أنا معايا طلبة talented ،

فاهمين إن الجراح ، لو مشاكل في الكبد ، يشيلها

عشان كده لعلمكم ،

إنت لو جبت جراح سألته كده ، إيه أحسن علاج لل liver cirrhosis وال portal hypertension ???

يقولك : Liver transplantation

إحنا معندناش دوا يضيع ال cirrhosis

واللي إنت بتعمله ده كله ، liver support ، فيتامين ، بروتين

كل ده Liver support ، هو هيقع

I'm buying time بس

عايز تعالج العيان ?? عايز تعالج العيان ???

Liver transplantation

هو ده ال treatment of choice

الجراح ، ميعرفش يتعامل مع الكبد مباشرة ،،، إلّا ب liver transplantation

الكلام في اللي بره ،

Hepatico jejunostomy يشيل ويقطع ويعمل

واضحة يا أولاد ?? إن شاء الله

سهل ال biliary atresia

أقلب الورقة يا أولاد ☺

ال investigations هناجلها

هاتولنا ال gall bladder stones

Gall bladder stones ال
سؤال written يا أولاد ،
Gall bladder stones ،، ده سؤال written

هو لو جبتلكم حالة في الإمتحان ،
طفل عنده ،، 3 أسابيع ،، بيشتكى من progressive jaundice
ولونه أخضر ،، والبول dark ،، وال stool كان clay
إيه ال clinical diagnosis بتاعك ؟؟؟

Biliary atresia
إيه ال differential diagnosis بتاعك ؟؟؟
neonatal hepatitis ال
ال physiological jaundice ،، طبعاً ال physiological jaundice بتتحسن
أنا بقول إيه ال differential diagnosis
أنا من حقي إني أقول أي neonatal jaundice كا differential diagnosis
فيه حاجات تبعدني ،، أنا مبقولش لا

فيه فرق بين diagnosis و differential diagnosis

طبيب ،
إيه ال investigations of choice ؟؟؟؟
لو قالك : how to investigate him
هبدأ بال Liver function ،، وال Kidney function ،، وال urine ،، وال stool
وال sonar ،، وال HIDA scan

قالي : إيه ال investigation of choice ؟؟
ال HIDA scan
فاهمين ؟؟؟
ال investigation of choice ،، يبقى ال HIDA scan

طبيب ،
لو قولتلك : طفل عنده 8 سنين ،، جالنا ب jaundice ،، لونه أخضر زيتوني ،، و dark urine ،، و clay stool ،، و itching
ده choledochal cyst
بالذات لو فيه Positive family history
أو بالذات لو من جنوب شرق آسيا ،،
يعني زود الإحتماليات ،، positive family history ،، إن الطفل من جنوب شرق آسيا

طبيب ،
إيه ال differential diagnosis بتاعه ؟؟؟
حد يا أولاد يقدر يحط ال biliary atresia ؟؟؟ لا
ليه ؟؟
لأن العيان في الحالة دي 8 سنين ،، وال biliary atresia دي neonatal

ممكن نخط parasite

فاهمني؟؟؟

ممكن hepatitis ،، يعني حاجة انتقلت عن طريق ال blood transfusion

ممكن hemolytic jaundice ،،

نخطها

في الأطفال الصغرين يا أولاد ،،

هو مين أحسن ناس شرحتلكم ال Hemolytic jaundice ؟؟؟

الأطفال

إشمعنا ؟؟

هي الأمراض دي congenital

فبتيجي في الأطفال ،،، عشان كده ،، طول ما إحنا في الأطفال يا أولاد

دماغنا في ال jaundice رايحة على إيه ؟؟؟

على ال hemolytic

تروح على الكُبار في الباطنة ،،

تركز على ال Hepatitis وال Hepatocellular

تجيلنا في الجراحة ،،

نقطعك obstructive

فاهمين السكة ماشية إزاي ؟؟؟

طيب ،،

يا أولاد ،، لو أنا جيت قولتلك : واحد عنده choledochal cyst ،،

How to investigate him ؟؟؟

ابدأ بالأول إيه ؟؟

بال Liver

وبعد ال liver ؟؟؟

ال Kidney

وبعدين ؟؟؟

Urine و stool و ultra sound ،، و ERCP

ليه ERCP ؟؟؟

الواد كبر ،،

خلي بالك ،، إن ال biliary atresia ،، ده Neonates

فالمنظار فيه صعب

عشان كده لجأت لل HIDA scan

فاهمين ؟؟؟

إنما غير كده ،، لما يكبر ،، نروح على ال ERCP

واضحة يا أولاد ولا لا ؟؟

بتهيأ العملية ، لو حاول يلعب في حثة ال biliary atresia وال Choledochal cyst
بتهيأ إنتوا تقدرؤا إلى حد ما ،،
تعرفؤا إنه عايز يسقطك كده
تسقط أه مبقولش لا ،، بس تبقا عارف وأنت بتسقط ،، بتسقط في أيها حثة على وجه التحديد

يلا يا أولاد ،،

Gall stones ال هاتوا

Gall stones

طبعاً ده سؤال written ،،

هو موضوع ال gall stones ده بيناقش إيه ؟؟؟

بيناقش إزاي ،، ال stone بتكون

ده أول حاجة ،،، إزاي ال stone بتكون

وبعدين النقطة الثانية اللي بيناقشها ،،

إيه أنواع ال stones ؟؟

النقطة الثالثة اللي بيناقشها ،، ال complications of stones

بس ،، خلاص

أومال فين الكلام بتاعنا ؟؟؟

ال clinical pictures وال Investigations و treatment ؟؟

مفيش حاجة اسمها clinical pictures و Investigations و treatment

يعني إيه clinical pictures of gall stones

هي الحصوة فين ؟؟؟

في المرارة ،، تعمل cholecystitis

الحصوة في ال common bile duct ،، تعمل jaundice

الحصوة في ال common channel تعمل Pancreatitis

مفيش حاجة اسمها clinical pictures

هي الحصوة فين ؟؟؟ ده السؤال

مفيش حاجة اسمها investigations

إنت طالب مني Investigations لعيان عنده إيه ؟؟؟

عيانة عندها المرارة ،، يبقا ال sonar

عندها obstructive jaundice ،، يبقا ال ERCP

عندها pancreatitis ،، يبقا amylase و CT

فاهمني ؟؟؟

مفیش حاجة اسمها investigations لعیان زی ده
بردو»

إنت هتعالج العيان إزاي؟؟؟

هو العيان عنده مرض إيه ؟؟؟ عشان أعالجه
إذاً

الجزء ال clinical في الموضوع ده ،، ضعيف
Clinical pictures ،، ال investigations ،، ال treatment ،، ده جزء ضعيف

سؤال gall stones ،،، ده سؤال pathology

بناقش إزاي ال stone بتتعمل؟؟

أنواع ال stones ال complications of stones؟؟

وبعد ما تفهم gall stones حلو

وتفهم ،، إزاي بتتكون ؟؟ إيه أنواع ال stones ؟؟ وإيه ال complications of stones ؟؟

أقوم واخذك من إيدك 😊 ورايح بيك على ال acute cholecystitis نخلصها ،

ونروح على ال chronic cholecystitis نخلصها

وبعدين ،، نروح على ال obstructive jaundice ،، نخلصها

وبعدین ،، نروح علی ال pancreatitis نخلصها

تقوم تفهم pathology الأول ،

وبعدین تخش علی ایہ ؟؟؟

ال clinical ، فاهمين الترتيبه عاملة إزاي ؟؟

عشان كده ،، أنا لو جيت لحد سؤال written discuss gall stones

غير لما أقول لحد acute cholecystitis ، ده مرض

ال gall stones ده سؤال باثولوجی،، مش مرض

بیناقش اِزای ال stone دی بتتکون

أنواع ال stones ال complications of stones

طیب

يلا يا أولاد ، لو أنا جراح هجيب سؤال لحد ، discuss gall stones

أنا عارف ده سؤال إيه؟؟

ٻاڻولوجي

لو عايز أجيب سؤال عليه عشر درجات ،، أنقي مين فيهم ؟؟؟

ال complications

إشمعنا ؟؟؟

العرق دسّاس،، القلب يا أولاد

بص “

يقولك : الحصوة دي معمولة من إ!!! و وؤؤ و أ!!!

أنا ماااااااااااااالى

الحصوة عملت إيه في العيان ،، دا اللي يهمني
فاهمني؟؟

أنا كجراح ،، أكثر حته قلبي يروح عليها ،، ال complications

مممكن أعلمك طبعاً أنواع ال stones

وأعلمك إزاي ال stones بتتكون؟؟

لكن ،،

أهم حته في ال pathology تهمني على وجه التحديد ،، ال complications

والله لو ناوي أجيب سؤال كبير ،،

هجيب سؤال عن ال gall stones

لو ناوي أجيب سؤال صغير ،، هروح على ال complications

فاهمين يا أولاد؟؟؟

إزاي ال stones بتتكون في ال gall bladder؟؟؟

هي إزاي ال stones بتتكون في أي حته؟؟؟

Primary و secondary

إزاي stone بتتكون في ال kidney؟؟

هي هي ،، إزاي stone بتتكون في ال gall bladder

هي هي ،، إزاي stone بتتكون في ال salivary gland

إزاي stone بتتكون في أي حته؟؟

Primary و secondary

يعني إيه secondary؟؟؟

Infection

Infection أدى إلى تكوين إيه؟؟؟

Stones

ويرسمولنا مثلث كده يا أولاد Δ مشهور أووووي

يقولك : ال secondary stone دي مثلث

• Stasis

• Infection

• Stone

هي دي ال secondary stone

ال secondary stone يعني إيه؟؟؟

يعني infection

يقولك : Infection ،، stasis ،، stone

وهقولكم على فكرة ،، أكيد إنتوا هتفتكروها إن شاء الله ،،

يقولك : ال infection يخلي ال bile عِكر ، معكر
زي الملية أم تُراب يا أولاد

فبيقولك : provide nidus

يعني إيه nidus ???

نواية ، " مش متأكد من سماع كلمة Nidus "

ويغير ال PH

فلما يغير ال PH ، يحصل ترسيب

اللي هي زي طريقة تكوين السكر النبات
تبقا نواة كده ، وبعدين السكر يترسب عليها
فاهمين يا أولاد ؟؟

بصوا يا أولاد ،

سألتك كده : **إزاي ال stone في ال urinary system اتكون ???**
تقولي : Primary و secondary

أقولك : secondary ???

تقولي : infection

ال Infection أدى إلى تكوين stones

أقولك : ال infection يؤدي إلى تكوين stone إزاي ???

تقولي : Provide nidus ، ويغير ال PH

فلما يغير ال PH ، يحصل ترسيب

طيب ،

لو عيان يا أولاد ، عنده gall bladder كده ، حصل فيها Infection
وال Infection أدى إلى تكون stones

هيجيله Infection ثاني ؟؟

أه ،

لعلكم ال infection مش هيروح أساساً

ليه ???

لأن فيه Predisposing factor ، اللي هو ال stone
هيفضل الميكروب نايم في ال stone ، قاعد في ال stone
وعامل chronic inflammation ،
ال infection I can't eradicate

هو إحنا كنا في ال stone ، قولنا : اللي منع ال eradication of infection ال stone
إنتوا عارفين يا أولاد ، هيبقا عنده chronic infection

وإنتوا عارفين كل chronic infection يعمل acute
يقوم يقولك حاجة ظريفة أوووي : ال Infection يؤدي إلى تكوين stones
وال stones تعمل infection
و Vicious circle بين ال infection وال stone
عشان كده ،
ال stone لو كانت من ال Infection ، تبقا multiple
Episodes, episodes, episodes of infection
فاهمين ؟؟

أقولك : أومال يعني إيه primary stones ؟؟؟
تقولي : ال primary stone دي يعني ، Metabolic error

أقوم أنا أسألك ، يعني إيه metabolic error يا إبنى ؟؟
تقولي : هو إيه مكونات ال bile ؟؟؟

أقولك : ال bile ده عبارة عن bile salts ، و bile pigments ، و cholesterol
وشوية Mucous مخاط

تقوم إنت تقولي : ال bile salts ، و bile pigment ، و cholesterol
والله ربنا يخليك يا ضكتور ، هي دي مكونات ال bile ؟؟؟
أقولك : أيوة

تقولي : إيه الفرق بين ال bile salts وال bile pigments ؟؟؟
أقوم قايلك : ال bile pigment ده ، ، الي جاي من ال RBCs الي بتتكسر ،
اللي هو ال RBCs لما تتكسر تعمل Hemoglobin ، و haem و globin
وال bilirubin يعمل globin
ده اسمه bile pigment

أومال إيه ال bile salts دي ؟؟؟
الكوليسترول الجسم يقطعه ، ويعمل حاجة اسمها bile salts عشان يدوب ال fat
يعمل حاجة اسمها emulsion

يقوم طالب في البكالوريوس ، قبل ما يتخرج ، هو فاضله شهر ولا شهرين
"إموشن طالب مستغرب"

ال bile salts غير ال bile pigment !!!!!
دا أنا كنت هتخرج من غير ما أعرف

طيب ، الحمد لله إنهم هيلحقوني في اللجنة ، ويسقطوني عشان مش عارف الحكاية دي ،
ال bile salts حاجة ، وال bile pigment حاجة

فيه حد هنا قاعد ، مش عارف الفرق بين ال bile salts وبين ال bile pigment عشان أقتله النهاردا وأغسل عاره ونخلص !!!

فيه فرق يا أولاد ، بين ال bile salts ، وال bile pigment

ال bile pigment ده ، ال bilirubin
بتاع ال RBCs

ال bile salts ده ، كوليسترول واتقطع
عمل مادة كده ، اسمها bile salts ، بنعمل بيها fat لل emulsion
بندوب بيها ال fat
عشان ال fat يخش في المية ،
يعمل حاجة اسمها emulsion
عشان يخترق الدهون بالماء ، هالـ emulsion حاجة اسمها

طيب ،

هو ليه ربنا خلق ال bile salts ؟؟؟
عشان تعمل fat لل emulsion

ليه يا أولاد ، ربنا خلق ال bile salts ؟؟؟
عشان تدوب ال fat

تدوب أيها fat ؟؟؟ تدوب أنها fat يا أولاد ؟؟؟
اللي بنأكله

لعلكم يا دكتورة ،
مش بيدوب ال fat اللي بنأكله بس ، وبتدوب الكوليسترول اللي في ال bile

عمر الكوليسترول ، ما هيحفظ بسيولته في ال bile إلا في وجود ال bile salts
عشان كده يقولك :
النسبة بين الكوليسترول وال bile salts ،
لو اختلت يحصل ترسيب

لأن اللي بيحفظ الكوليسترول سائل ، هو ال bile salts
عشان كده يقولك : إنت عارف لو الكوليسترول زاد ، لو الكوليسترول زاد في ال bile
يحصل ترسيب

لو ال bile salts قلت ،
يحصل ترسيب
فاهمين ؟؟؟

دا وزن ، balance
لو الكوليسترول ، زاد ، يحصل ترسيب
لو ال bile salts ، قل ، بردو يحصل ترسيب

يقوم ال bilirubin ال conjugated يزيد في ال bile
بس

هو مش قادر يأخذ كل ال bilirubin من الدم ، مش ملاحق ، يقوم ال Unconjugated bilirubin يزيد في الدم
يعمل أصفر ليموني

وال conjugated bilirubin يزيد في ال bile ،
يخلي ال stool بيقا dark

يعني ،
خلي بالك ، في ال hemolytic anemia دي ،
بتزود ال Unconjugated وال conjugated

بس بتزود ال Unconjugated في الدم ، تقوم تعمل Jaundice ، أصفر ليموني
وتزود ال conjugated bilirubin في ال bile ، يقوم ال stool يسود

وانتوا عارفين حكاية ال hemolytic anemia ، بتخلي ال stool غامق
غامق ،

لأن الكبد قامت مخضوطة ، فيه إيه !! فيه إيه !!! فيه شلالات من ال bilirubin نازلة عليها
تقوم ال capacity بتاعت ال Liver تزيد هي كمان
بس مبتقدرش ، مبتقدرش على الشلالات اللي نازلة ليها ، فاهمين يا أولاد ???

مع ال bilirubin الكثير أوووي ده ، ال conjugated
يحصل خلل ،
ال bile بقا مركز ، مليون conjugated bilirubin

يقوم ال conjugated bilirubin ده يا أولاد ، ينشف ،
ويعمل طينة ، Mud و stones
ويعمل حاجة اسمها Pigment stone
ده metabolic في الأصل ، مش Infection خالص
ده hemolytic anemia

طيب ،

يا أولاد تسمعوا عن حاجة اسمها X syndrome ؟؟؟

إيه ال X syndrome ده يا أولاد ؟؟؟

ده metabolic syndrome

عبارة عن إيه ؟؟

واحد تخين ،

حبته واحدة تخينة ، بس تخينة ووحشة

فيه واحدة تخينة وحشة كده يا أولاد " تخينة أوووي " وجارة معاها شوية حاجات كده ، و gout
و ischemic heart disease و diabetes

وجارة معها أربعة كده ،
وهي تخينة ووحشة ☹️
لقت واحد تخين ، ريلت عليه ،
وقامت داخله عليه 😊 هو ده ال X syndrome

وتقوم راميله بقا ، الكلب ده يعرض فيه ، والكلب ده يعرض فيه
أرزاق
فاهمين يا أولاد ال X syndrome

ال X syndrome ده عبارة عن إيه ؟؟
Metabolic error يعمل hyper cholesterolemia

طيب ،
لو عيان عنده Hyper cholesterolemia يا أولاد ، يكون ال bile بتاعه مُشبع بإيه ؟؟؟
بالكوليسترول ،
أصل هو الجسم بيخلص من الكوليسترول فين ؟؟
في ال bile

ويصبح ال bile محلول مُشبع بال cholesterol
يقوم الكوليسترول يترسب
ويعمل stone ، cholesterol stones

أقولكم مثال ثاني لل Metabolic errors
واحد عنده Crohn's disease ، أو جاله سرطان فعملوله right hemicolectomy
المهم في الآخر ، ال terminal ileum اتشال

ال terminal ileum اتشال ، ال terminal ileum فيه عيب في العيان
المهم إن ال entero-hepatic circulation هتتبول

وال entero-hepatic circulation دي تخص ال bile salts
إذا ،
لو باظت ال entero-hepatic circulation
ال bile salts تقل ،

ال cholesterol زي ما هو
بس
ال bile salts قلت
يقوم الكوليسترول يترسب

إذا نقص ال bile salts ،
يعمل cholesterol stones

ال cholesterol stones

- تتكون من زيادة الكوليسترول
- أو نقص ال bile salts

The same

المهم إنك تُخل بالنسبة ، بين ال bile salts وال cholesterol
النسبة دي على فكرة واحد إلى خمسة وعشرين (1: 25)
لو اختلت وبقت واحد على 13 يحصل ترسيب

النسبة دي ، واحد إلى 25
لو اختلت إلى ، واحد إلى 13 يحصل ترسيب

عشان كده يا أولاد ،
لما حد يجي يقرأ إزاي stone بتتكون في ال gall bladder
يلاقي إن الليلة سهلة أوووي
الموضوع إزاي ال stone بتتكون :
• Primary
• و secondary

يعني إيه secondary ؟؟؟

يعني Infection
ال infection أدى إلى تكوين stone

إزاي ال infection يؤدي إلى stone ؟؟؟
Provide nidus ويغير ال PH

طيب ،

إزاي metabolic errors تعمل stones ؟؟؟

- يا cholesterol زاد
- يا bile salts قلت
- يا bile pigment زادت

مممكن تلاقي حاجات تانية ، Liver disease ، Liver cirrhosis
فال Liver ميعرفش يعمل bile salts كثير ، فاهمني ؟؟
مش مهم يعني ،
يعني إنتوا فاهمين الأسباب دي ، حلو أوووي والحمد لله

طيب ،

افرض أنا جيت قولتلك كده : إيه أنواع ال stones في ال gall bladder ؟؟؟
تقولي : ال cholesterol ، و pigment ، و mixed

Cholesterol stone ، و Pigment stone ، و mixed stone

طبيب «

يا أولاد «، تعرفوا إليه عن ال pigment stone؟؟
مين العيان يا أولاد اللي عنده pigment stone؟؟؟
واحد عنده hemolytic anemia

وبعدين ؟؟؟

وبعدين ال bilirubin علي في الدم «

أيها نوع ؟؟

ال uncojugated bilirubin " Indirect ال
يعلى في الدم

طبيب «

ال direct bilirubin يعلى فين ؟؟

في ال bile

يقوم ال bile ببقا mud و ينشف ويشقق «، ويفرول «، ويعمل حصو صغير
وأي حد قاعد يلعب في الطين شوية فاهمني

ال bile يتخن ويبقا طينة Mud «، وبعدين الطينة تنشف «، وتشقق «، وتفرول «، وتعمل حصو صغير
Dark in color
هو ده ال pigment stone

أومال «، يعني إليه cholesterol stone؟؟؟

يعني حد عنده hypercholesterolemia

ليه عنده hypercholesterolemia؟؟؟

عنده مثلاً ال X syndrome

لما جاله hypercholesterolemia «، أصبح ال bile محلول مُشَّبع بالكوليسترول
راح الكوليسترول عامل إليه ؟؟
اترسب «، وعمل stones

يقعد يوصفلك بقا «،

ال cholesterol crystals لما بتترسب على بعض كده يا أولاد «،

بتعمل حصوة واحدة كبيرة كده «،

عشان كده يقولك : الحصوة بتبقا Solitaire سوليتار

حصوة واحدة كبيرة كده «

يقولك : الحصوة بتبقا " solitary Solitaire "

وبعدين ال crystals تترسب زي سلوك العجلة كده «،

يقولك : ال cut surface بتاعها «، بيبقا radiating زي سلوك العجلة

هو الكوليسترول ده في الأصل نوعه إيه ؟؟ Fat

هو ال fat لو حطيته في المية يعمل إيه ؟؟

يعوم ،

يبقا ، لما أقولك : ال cholesterol بتعوم على وش المية

الطالب يقولك إيه ؟؟

طبعاً ، طبعاً ، دي دهن

حصوة دهن هتعووم على وش المية

فاهمين يا أولاد ؟؟؟

يقوم يقولك : ال cholesterol stones عادةً single

لونها ؟؟؟

Whitish in color ، بيضا شوية ، فاتحة

ال cut surface بتاعها ؟؟؟

Radiating

وال surface بتاعها mamilated شوية

Mamilated دي ، مش يعني خشن ،

Mamilated دي شبه البرتقالة ،

هو إيه الفرق بين جلد البرتقالة ، وبين جلد التفاحة ؟؟؟

جلد التفاحة أملس ☺

إمها جلد البرتقالة mamilated

هي الحصوة دي بتبقا mamilated

وال cut surface بتاعها بيكون radiating

و single وبتعووم على وش المية

كلام فاضي ،

لو حد فيكم بقا ، ال basics بتاعته جامدة

يفهم هي ليه عاملة كده

كان فيه زمان ، كنا بيقولك حاجة اسمها أوزازون تست ☹

كان يقعد يفحص تحت الميكروسكوب شكل ال crystals

هي ال cholesterol crystals بتترسب كده

هي دي طريقة ترسيبها يعني ، radiating كده

In radial manner

واضحة يا أولاد ؟؟؟ إن شاء الله

طيب ، هو الكوليسترول stone مكونة من إيه ؟؟؟

كوليسترول ، ما شاء الله شاطرين

بأمانة إيه ؟؟؟

cholesterol stone ، بآينة ،

محتاجة gall bladder healthy ولا inflamed ؟؟

Healthy

ليه Healthy ؟؟؟

لأنها primary ، ملهاش دعوة بال infection

طيب ،

هو أنا ممكن ألاقى cholesterol stone معاها Infection ؟؟؟

أه ،

بس ال stone اللي بدأت الأول

وبعدين ال stone سدت السكة ، فعملت infection

يعني دي مش دوجما ،

يعني مش لازم الكوليسترول stone يبقى healthy gall bladder

دي العيال اللي مستواها كده يا أولاد ،

العيال اللي هي حافظة ، مش العيال اللي فاهمة

والإمتحانات بتاعتنا يا أولاد ،

مش عايزة واحد ملزق معلوماتين ، وداخل يرجعهم عليك

هو أنا ممكن ألاقى cholesterol stone يا أولاد ، ومعاها Inflammation ؟؟؟

أه طبعا

بس مش ال Inflammation اللي بدأ وعمل stone

لا ،

ال stone اللي بدأت ، وراحت سادة السكة ، فراحت عاملة Inflammation

فاهمين ؟؟؟ إن شاء الله

طيب ،

يا أولاد ، أومال تعرفوا إيه عن ال Mixed stones ؟؟؟

هي Mixed من إيه ؟؟

Mixed من الكوليسترول ، و ال bile pigment ، وال bile salts

إشمعنا ؟؟؟

ما هي دي مكونات ال bile

يعني ليه هي Mixed من ال cholesterol و ال bile pigment وال bile salts ؟؟؟

ما هي دي مكونات ال bile

طبيب «

هو إليه السبب إنه حصل Mixed stone ???
Infection

عمل إليه ال infection ??

Provide nidus وغير ال PH
قام عامل ترسيب

بصوا يا أولاد «

أحلى حنة في الموضوع ده بقا «

يقولك : إنت لو بصيت على Mixed stone « تلاقي ال gall bladder ملتهبة ???
أيوة « دا الإلتهاب سبق ال stone

دا الإلتهاب هو الي سبق ال stone
تمام

يقولك : إنت تلاقي ال stones « عاملة إزاي ???
Nidus و laminated

إسمعنا ???

ما هي دي طريقة تكوينها « نواة « وكل ما ال PH تتغير « يترسب طبقة
نواة وكل ما ال PH تتغير « يترسب طبقة
عشان كده « لما ألاقى Nidus و laminated « أه طبعاً دا منطقي

الحنة الثانية الجميلة يا أولاد «

يقولك : تبص على ال gall bladder « تلاقي بقا منظر ظريف جداً

ال gall bladder يتكون shrunken و fibrotic

وفيها المجموعة دي من ال stones أد بعض

وبعدين مجموعة ثانية من ال stones أد بعض « بس حجمها مختلف عن الأولى

وبعدين مجموعة تالثة من ال stones أد بعض « وحجمها مختلف عن التانيين

فاهمين ???

يعني «

تلاقوا ال gall bladder كده « shrunken و fibrotic

وفيه مجموعة stones أد بعض « وبعدين مجموعة stones ثانية أصغر بس أد بعض

وبعدين مجموعة stones ثانية أصغر بس أد بعض

ليه ?? ليه ???

أصلها هي episodes of infection

مين أقدم حصوة ???

الكبيرة « فيها ثلاثة Laminae

شافت ثلاثة episodes of infection

بعدين ، دي أصغر منها ، فيها two laminae
شافت two episodes of infection

لكن ،

دي لسه متكونة في آخر episode
فيها Laminae واحدة

عشان كده يقولك : groups ، كل group ليها نفس الحجم
الكلام بالظبط يا أولاد ، Nidus و laminae
كل episode of infection ، يغير ال PH ويعمل laminae

طيب ،

الكلمة الثانية الجميلة أوووي على ال Mixed stones ،
بيقولك : بتبقا **Faceted**

يعني إيه faceted يا أولاد ؟؟؟

يعني مقطوشة ، معلّمين في بعض ،
يقولك : كل حصوة بتعلم في أختها ، faceted

إنتوا عارفين ال cholesterol stone ، إكمنها single ، rounded
ال Mixed stone ، إكمنها multiple فبتبقا faceted

لدرجة إيه ؟؟؟

يقولك : لو شلت مرارة من عيان وفتحتها ، ولقيت single faceted stone
افتح ال common bile duct

لو جيت تفتح بطن عيان ، وشلت المرارة ،

لقيت single faceted stone ، افتح ال common bile duct
أومال هي faceted ليه ؟!!!!!! ليها أخت

هتلاقها فين ؟؟

أكيد في ال common bile duct

فاهمين يا أولاد ولا لا ؟؟؟

الجدول يا أولاد بتاع أنواع ال stones ، مهم جداً جداً

إزاي stone بتتكون ؟؟؟ أنواع ال stones ؟؟؟

هو ده يا أولاد سؤال ال gall stones

هو ده سؤال الباثولوجي

نخش على النقطة الي بعدها ،

إيه ال complications بتاعت ال gall stones ؟؟؟

ال complications بتاعت ال gall stones يا أولاد ، كانوا يقولوا أممي (OMUMI)

ال OMUMI ده اللي هو إيه ???

- Obstruction
- Migration
- Ulceration
- Metaplasia
- Infection

Obstruction بصوا يا أولاد ،،

يعني إيه obstruction ???

بصوا يا أولاد ،، هو العيان ده عنده إيه يا أولاد ???

العيان ده عنده إيه ???

Chronic calcular cholecystitis

هو إيه اللي خلاكم تقولوا : إنها chronic cholecystitis ???

Shrunken و fibrotic

وإيه اللي خلاكم تقولوا : إنها calcular ???

أصل فيه stones أهـي

طيب ،،

بصوا يا أولاد ،، العيان ده عنده إيه ???

معندوش حاجة ،، دا زي الفل ،، ممكن يكون عنده اللوز ☺

يبقا ده ال start point ،،

أنا هبدأ بواحد normal أهـو ،، العيان ده يا أولاد تخين ،، وحبته واحدة تخينة

جاله مرض إسمه إيه ??

X syndrome

فُوم جاله hyper cholesterolemia

فُوم عامل ،، cholesterol stones

أهو ،،

يشتكي من إيه يا أولاد ???

ولا حاجة ،،

هيشتكي من إيه ??? واحد عنده hyper cholesterolemia ???

ولا حاجة

هي الناس اللي عندها Hyper cholesterolemia في الشارع دي يا أولاد ،، بتشتكي من إيه ??

من ولا حاجة يا أولاد

ال Hyper cholesterolemia نفسها ،، ملهاش أعراض

هي ليها complications ،، ملهاش أعراض

يعني تعمل atherosclerosis

يعمل Ischemic heart disease

لكن ،

ملهاش أعراض ، فاهمين يا أولاد ولا لا ؟؟؟

لدرجة إنك ممكن تلاقي حد عنده Hyper cholesterolemia ، تيجي تقيسه الكوليسترول في الدم ،

تلاقي الجهاز ، قايم يشتم ☹

الكوليسترول عالي جداً ، وهو بيضحك ☺

هو بالعمر ، by aging هيبداً بيان ليه atherosclerosis و Ischemic heart disease

لكن ،

هو دلوقتي مفيهوش حاجة

واضحة يا أولاد ؟؟؟

أسهل حاجة في الدنيا ، إنك تبقا خروف

يعني إيه ؟؟

اللي يحطهولك في الأكل تأكله

يقوم الراجل الصبح ، صاحب الخروف ، ويحطله الأكل

يقوم الخروف يأكل

بس هو ربنا خلق الخروف عقله كده ، ميعرفش يعمل حاجة

يأكل بس ،

تقوم : تعلفه وتدبجه

خرووووووووف

خلقنا إحنا بقا ، حاجة تانية يا أولاد ، بنعمل شغل أصعب شوية من الخرووووف

في الآخر يعني بنأخذ الخروف أبو عضم بنعلفه ، لأن ربنا خلقه كده

وعشان إحنا بنتعلم وبنعمل شغل أصعب

عملية التعليم هي أصعب حاجة ،

إن أنت تعلم حد دي يا أولاد ، صعبة أووووي ،

الأمم عملت حضارة إزاي ؟؟؟

خدت الأطفال ، وقعدوا مع بعض في حته ، وقعد واحد يفهمهم خبرات من الناس العواجز

قعد يعلم العيال الصغيرين دول خبرات

عشان لما يكبروا يبقوا أحسن منهم

فعملوا حضارة ، المضرة ☺ " المدرسة يعني "

طول ما أنا بعلمك ، طول ما أنا بعلمك

أنا بعمل أصعب procedure على عقلك ، إنت عقلك يقدر يأكل حلو أووووي

ويقدر يلعب حلو أووووي ، ويعرف يتجوز ، دي فطرة

التعليم صعب ، صعب يا أولاد ،

أي حد هيعمل حاجة غير اللي أنا بقوله ، هتتشتت ، إلا إذا بقا مخك نضيف وفاهم

فاهمين ؟؟ شوفوا يا أولاد ، سهل أووووي أي حد يعمل حاجة يخليك تتشتت بعيد عني ، وأرجعك تاني معايا ، هتقع مني

في المراجعة ، عبارة عن حثت
عارفين العيال الي عندهم petit mal epilepsy
أنا حاولت أفهمكم ويا رب تكونوا فهمتوا ،

نرجع بقا ثاني يا أولاد ،
العيان معندوش حاجة ، عنده hyper cholesterolemia
راح عامله cholesterol stones

ال cholesterol stones دي يا أولاد ،
اتحركت ، اتحركت
راحت راشقة هنا ، في ال cystic duct
سدت ال gall bladder

ال cholesterol stone يا أولاد ، اتحركت

اتحركت ليه ؟؟

مش العيان عنده hyper cholesterolemia
راح فرح ، وأكل fatty meal
وبعدين رقص ، راحت الحصوة ، راشقة

العيان يجيله إيه ؟؟؟

Pain

بيسموه إيه ؟؟؟

Biliary colic برافوا عليكم

طيب ،

لو العيان جاله biliary colic يا أولاد ، وسابوه مرمي على الأرض كده ،
12 ساعة مرمي على الأرض ، محدش معبره ، يبقى ال stasis ، followed by infection
يقوم يسخن ، ويجيله gaurding ، و rigidity ، و rebound tenderness
ويقوم : قالب ب acute cholecystitis

وكان عايز أفهمك إنه فيه فرق بين ال biliary colic ، وال acute cholecystitis
زي الفرق بين ال renal colic وال pyelonephritis
إشمعنا دي مفهومة ؟؟؟!!

يعني ممكن حد يجيله biliary colic بس ، وميقاش سخن ، ولا عنده gaurding ولا rigidity ولا rebound tenderness
هو عنده مَعْصَ بيسمع في ضهره ، هو ده ال biliary colic

لو عيان ال biliary colic ، اتساب بدون علاج ،
مع ال stasis يقوم : قالب ب acute cholecystitis

طيب ،

افرضوا يا أولاد ، العيان الحصوة بتاعته ، راحت ناطة جوا ال common bile duct

يقوم العيان يجيله إيه؟؟؟

Obstructive jaundice

- المرض اتغير ، يسد ال gall bladder ، يبقى اسمها acute cholecystitis أو biliary colic
- تسد ال common bile duct ، يبقى اسمها calcular obstructive jaundice

طيب ،

لو الحصوة يا أولاد اتحركت وراحت سادة ال common channel

يقوم العيان يجيله إيه؟؟

Acute pancreatitis

واضحة يا أولاد؟؟؟

يعني الحصوة دي لو اتحركت ،، و سدت ال common channel

يقوم يحصل reflex of bile ، والعيان يجيله pancreatitis

كل ده إحنا نقول عليه Obstructive manifestations

تاني يا أولاد ،

لو ال cystic duct اتسد ، biliary colic

أو acute cholecystitis

لو ال common bile duct اتسد ، obstructive jaundice

لو ال pancreatic duct اتسد ، pancreatitis

افرض أنا عايز أشتتك شوية ،

أقولك : لو ال cystic duct اتسد ، تعمل الأول biliary colic

وبعدين تقلب acute cholecystitis

- Catarrhal يا
- suppurative يا
- gangrenous يا

ال catarrhal تحوش mucous ، تعمل Mcuocele

تحوش pus ، يبقى Pyocele

بقت gangrenous وفرقت ، تفرقع فين؟؟؟

عند ال fundus

إشمعنا؟؟؟

أبعد نقطة عن ال blood supply

غيرت ال case of the appendix بال fundus

مسميات بس ، لكن نفس الكلام

ما ال appendix ، كان catarrhal inflammation

تحوش Mucous « يبقا Mucocele
Suppurative inflammation تحوش pus « يبقا pyocele
Ganagrenous و«تفرقع» هتفرقع فين؟؟؟
عند ال tip أو ال base
هي بتفرقع عند ال base ليه؟؟؟
Fricture مع ال obstructive

نقوم نقولك : هنا بتفرقع عند ال Harmann's pouch
Friction and obstructive agent
الي فاهم زائدة « فاهم ال gall bladder فاهم ال GIT
هو نفس الكلام « بس بنقعد نقوله في صُفح مختلفة
فاهمين؟؟

لو ال stone سدّ ال cystic duct « العيان يجيله إيه؟؟؟
Biliary colic
لو اتهمل « يبقا acute cholecystitis « ويبقا complicated ب Mucocele « أو pyocele « أو يفرقع

طيب «
لو سدّ ال common bile duct « العيان يجيله إيه؟؟؟
Obstructive jaundice

ولو جاله Obstructive jaundice « هيجيله حاجة بعد شوية اسمها biliary cirrhosis « أدام
وال Liver يبوّظ
فاهمين يا أولاد؟؟؟

ولما ال Liver يبوّظ « يبطل يفرز bile
ليه يا أولاد يبطل يفرز bile؟؟
برافوا عليكم « بسم الله ما شاء الله عليكم « يعني إنتوا فاهمين يا أولاد « لو ال liver باظ « يبطل يفرز bile
يبقا ال bile ده أبيض « مخاط بس
بيقولوا عليه white bile
ال white bile ده يعني الكبد باظت « وبطلت تفرز bile

طيب «
يا أولاد « يقولك : Obstruction « Migration
Migration
هو يا أولاد الحصوة لو اتحرّكت « طبعاً أنا بعد شوية هفتح الموضوع أكثر شوية
لو الحصوة اتحرّكت « من ال gall bladder هنا « سدّ ال cystic duct
العيان يجيله إيه؟؟؟
Biliary colic
يعني ال Migration يعمل إيه؟؟
Colic

أومال ليه جيت أقول : الحصوة سدت ال common bile duct ، مبعجش سيرة colic ؟؟؟

عشان ال gall bladder فيها smooth muscle

ال common bile duct مفيهاش smooth muscle

وجع ال common bile duct ، ده dull aching pain

وجع ال gall bladder ، ده colic

لأن ال gall bladder فيها smooth muscles

وال common bile duct مفيهاش smooth muscles

يقوم ببقا وجع ال gall bladder ، colic

وجع ال common bile duct ، ده dull aching pain

واضحة يا أولاد ؟؟؟

Ulceration

هو لو ال gall bladder اتعورت ، أو ال common bile duct اتعورت ،،، تخر إيه ؟؟

Bile

" دي إجابة بعض الطلبة ، أدام الدكتور "

يا نهار تبييييييييت

يعني واحد رجليه اتعورت تخر إيه ؟؟؟

دم

طيب ، لو ايدك اتعورت ،، تخر إيه ؟؟؟

دم

ال common bile duct اتعورت ،، تخر إيه ؟؟؟

دم

دم فين ؟؟؟

في ال bile

دم في ال Urine اسمه إيه ؟؟؟

Hematuria

يبقا دم في ال bile اسمه إيه ؟؟؟

Hemobilia

مسميات ، زي اللات والعزى وهبل

حصوة ، ماشية في ال Urinary system ، تعوره ، تعمل hematuria

حصوة ، ماشية في ال biliary system ، تعوره ، تعمل hemobilia

بس هو هنا السؤال بقا ،،

دم في البول هشوفه ، اسمه hematuria

دم في ال bile ، دا هشوفه إزاي !!!

الدم في ال bile يا أولاد ،، أشوفه مع ال urine ولا مع ال stool

برافوا عليكم أنا مبسوط منكم ،،

إنتوا عارفين طبعا ال bile بينزل مع ال stool

هو إنتوا تعرفوا إيه عن الدم في ال stool ؟؟؟

- bleeding per rectum يا
- melena يا

إنتوا معندكوش حاجة تانية ،

يا bleeding per rectum ، يا Melena

باينة ، واضحة يا أولاد ؟؟؟

Obstruction, ulceration, migration

Metaplasia

يعني إيه Metaplasia يا شباب ؟؟؟

يعني ال epithelium يغير نوعه

هو إيه نوع ال epithelium اللي في ال bile duct ؟؟؟

Columnar

إشمعنا ؟؟؟

GIT

ال GIT يا أولاد كلها columnar ، ما عدا

أعلى حته ، وأوطى حته

يقوم ال lining epithelium بتاع ال bile duct ، بيبكون يا أولاد columnar

من كتر friction يتحول إلى إيه ؟؟؟

Squamous

بصوا يا أولاد ،

يقولك : Metaplasia is dysplasia anaplasia

يقولك كده : ال Metaplasia ، dysplasia ، anaplasia ويقوم قالب بقا سرطان

وبعدين

Infection

نجرّب كده يا أولاد ، إنتوا بتعرفوا تتكلموا في ال Infection ولا لا ؟؟

هو inflammation of the liver اسمه إيه ؟؟؟

Hepatitis

برافوا عليكم

ال Inflammation of the bile duct ؟؟؟

Cholangitis

ال inflammation of the liver and bile duct ؟؟؟

Cholangio-hepatitis

برافوا عليكم

ال inflammation of the gall bladder ؟؟؟

Cholecystitis

ال Inflammation of the pancreas ؟؟؟

Pancreatitis

إذاً الطب ، سهل ، سهل

إلتهاب ال Liver اسمه hepatitis

إلتهاب ال bile duct اسمه cholangitis

إلتهاب ال bile duct وال liver يبقا cholangio-hepatitis

إلتهاب البنكرياس pancreatitis

إلتهاب ال gall bladder يبقا cholecystitis

افرضوا يا أولاد ، الكلام ده بيأخذ منك وقت في المذاكرة ،

افهم ،

مش هتتعرف تخلص المنهج ولا النسا ☺ ولا أي حاجة

الكلام سهل جداً

بصوا يا أولاد ،

Obstruction, migration, ulceration, metaplasia and infection

فين الكلام الجميل ؟؟؟

ال fistula

أحلى حته في ال complicatoinس هنا ، حته ال fistula

إيه حته ال fistula formation دي ، بتتوقف على كلمة ،

distensible structure ال gall bladder بتكون بتتوقف على كلمة إن

عكس ال appendix

ال appendix ، بتكون non distensible

فبتفرقع

ال gall bladder دي distensible جداً

دا ممكن يا أولاد تتحس زي الكمثرية في بطنك

Distensible جداً ،

فال gall bladder بتفضل ملتهبة فترة

وال omentum يروح ويعمل Mass ويلزق حوايلها

وده السبب إنها لو فرقعت تعمل عادةً fistula مع حاجة

لكن ،

متعملش generalized peritonitis

لأن ال Omentum بيبقا لم الليلة

فهمتوا يا أولاد ليه ال fistula مهمة أوووي في ال gall bladder مش ال appendix

ال appendix في الأصل not distensible

تتنفخ ، تقوم مفرقة

ال gall bladder ، لا

ال gall bladder دي distensible structure ، بتتنفخ

عشان كده ، بتفضل ملتهبة فترة طويلة
يروح ال Omentum ، ويلف حوايها ، ويعمل Mass

يقوم لما يعمل mass خلاص ،
متعملش generalized peritonitis
تعمل fistula

تعمل fistula مع إيه ؟؟؟
مع الحاجات اللي جنبها

تعمل fistula مع إيه ؟؟؟
مع الحاجات اللي جنبها anatomically

هو ليه ال appendicitis مبتعملش fistula كثير ؟؟؟
عشان non distensible
بتفرقع علطول

طيب ،
هو ال gall bladder ليه بتقعد فترة طويلة ملتهبة من غير ماتفرقع ؟؟؟

عشان distensible
وأنا مش محتاج أكثر من 48 ساعة
عشان ال omentum يروح يحوط حوالين الليلة ، خلاص كده
الدنيا لزقت في بعضها

تقوم تعمل fistula مع إيه ؟؟؟
مع near by structure

نقوم نعمل إيه ؟؟؟
نحطلك ال gall bladder ، ونحطلك ال structures اللي جنبها
ونعمل fistula ونكبر الموضوع
فاهمين ؟؟؟

شوفوا يا أولاد ، **ال gall bladder جنبها إيه ؟؟؟**
ال gall bladder جنبها ال common bile duct

يبقا أقولك : ممكن يحصل fistula بين ال gall bladder وال common bile duct
تقولي : **ما ال gall bladder في الأصل فاتحة على ال common bile duct ؟؟؟؟؟**
أه ،

هتبقا الفتحة أوسع

Fistula مع common bile duct يعني إيه ؟؟؟

يعني حجم الفتحة وسع

وده اسمه **Mirizzi syndrome** **مرازي سيندوم**

لو عملت fistula مع ال common bile duct يقولوا عليها : Mirizzi syndrome

ولو حد بيأخذ إيطالي ،

يقولك : مرآزي بيزا

تقوله : أمممم

يقولك : أووووووووممممممم

تقوله : ولا كلمة بالإيطالي اسمها بيزا

حد قالكم : جاي بطاقيه وزكتة طويلة من ورا ومقطوعة من أدام !!!
أنا الفرنسي ساوي واقع ،

حاجة بيقلوا عليها مرآزي سيندورم

إيه ال Mirizzi syndrome دي ؟؟؟

Fistula مع إيه يا أولاد ؟؟

مع ال common bile duct

ولادنا إنتوا ولا مش ولادنا ؟؟؟

نسيبكم كده !!!!

نقولك : ال Mirizzi syndrome ده إيه ؟؟؟

يا إما ال stone زاقة ال common bile duct بالجنب ،

يا إما عملت fistula

يعني ال stone لو زقت ال common bile duct بالجنب ده Mirizzi

عملت fistula ، بردو Mirizzi

يقولك :

لو ال stone زاقة ال common bile duct بالجنب كده ، ده Mirizzi

عملت fistula ، بردو Mirizzi

إذاً ، علاقة ال gall bladder بال common bile

ال Mirizzi

بصوا يا أولاد ،

لو ال fistula مع ال duodenum

يقوم ال stone تنط من ال gall bladder ، جوا ال duodenum

ال stone تنط من ال gall bladder جوا ال duodenum

وقعت جوا ال duodenum ، بقت لقمة

يعني ال stone نطت من ال gall bladder جوا ال duodenum

وقعت من ال gall bladder جوا ال duodenum

بقت لقمة

لقمة ماشية جوا إيه ؟؟؟

duodenum ال

بلاد تشيلها وبلاد تحطها

مستنية إيه ؟؟؟

حتة ضيقة ترشق فيها

يقولك :

• يا عند ال Meckel's diverticulum

• يا إما عند ال ileo-cecal junction

هما دول أضيق مناطق

يا عند ال Meckel's diverticulum ،، يا عند ال ileo-cecal junction

تقوم راشقة وسادة السكة

اللي حاجة الي بيقلوا عليها : gall stone ileus

واضحة يا أولاد ؟؟؟

بصراحة ،،

الطالب لو أنا عملت فيه كده يا أولاد ،،

هتلاقيه قاعد طول الحصة عايز يحفظ كلمة gall stone ileus

يقولك : fistula مع ال common bile duct ،، بقا Mirizzi

Fistula مع ال duodenum بيقا gall stone ileus

يا أولاد ،،

فيه مسافة بين ال gall bladder وال duodenum شوية ،،

ليه ال bile منزلش في ال periton ؟؟

ال omentum قافل الليلة

عشان كده عملت fistula ،، معملتش generalized peritonitis

ال Omentum لأمم الليلة

دي mass هنا ،،

Gall bladder mass

عشان كده ،، ال stone راحت ناطة جوا ال duodenum

وراحت عاملة gall stone ileus

طيب ،،

وأنتوا يا أولاد تعرفوا إزاي ،، واحدة عندها acute cholecystitis ،، جالها gall stone ileus ؟؟؟

جالها Intestinal obstruction

إزاي ؟؟ هي هتعرف إزاي ؟؟؟ clinically تعرف إزاي ؟؟؟

هو ال Intestinal obstruction عبارة عن مربع

Pain و vomiting و constipation و distention

خلي بالكم ،،

إنها already عندها pain و vomiting و constipation من ال acute cholecystitis

عندها pain

وعندها vomiting و constipation

إيه الجديد؟؟؟

يبقا أعرف إزاي إن عيان ال acute cholecystitis جالها gall stone ileus؟؟؟
جالها severe distention

طیب “

لما يجي لها distention « how to confirm فعلاً بال investigation إنها gall stone ileus ???

Palin X-ray abdomen erect and supine

ال erect أَلَقِي إِيْهِ ؟؟؟؟

Multiple fluid level

وال supine ???

Air in biliary tree

هواء في ال biliary ،

Intestine من ال Intestine « ملاء ال biliary tree

هواء في ال biliary tree

لو أنا دكتور شرير يا أولاد،، وعازي أسقطكم

أقوم جاييلكم كده : واحدة ست عندها 40 سنة ، و Multi para ،

هو فيه أسهل من كده !!!!

fatty ♀ Female

شوف بقا يا أولاد ،، ما يجبلك كل ال data على طبق فضة كده

حاجة روعة کده

وبتشتکی من Pain فی ال right hypochondrium

Radiating to the back and the right should

تلاقی نفسک تقوله : کفایه کفایه

rigidity و gaurding و

يا جماعة كفااااااااية شخصت العيانة

severe abdominal distention وبدأ يَجْلِهْهَا

??? What is your diagnosis

Acute cholecystitis

إيه ال investigations of choice

Ultra sound

ایہ ال treatment ??

urgent choelcystecotmy

الكلام ده غلط

الحالة دي يا أولاد،

acute cholecystitis complicated by gall stone ileus

plain x ray abdomen « Investigations of choice ال

ال treatment ،، ال resuscitation و ال Laparotomy وأشيل ال obstruction وأسبب ال mass

لأني مقدرش أفتح على mass
 بشيل ال obstruction ،، ال stone ،، وأسبب ال mass
 وأمشيها conservative لغاية ما ال omentum يرحل
 وبعدين أشيل ال gall bladder
 على فكرة غير الي أنت قولته خالص

وأطلع بقا أقولك : بص ،، أنا حطيت ليهم سؤال تريكي ،، للطالب الشاطر ،، أنا عايز أعرف فين هو
 لقيت الطالب التريكي ده ،، وقع فيه
 دا عايز واحد يا أولاد N.B.
 سؤال زي دا ،، عايز واحد يشتغل
 وقعد يقرأ وينسى ،، ويقرأ وينسى ،، ويشتغل بقا وشاف
 يقوم يقولك : يا إلهي acute cholecystitis ،، جالها severe abdominal distention
 دي gall stone ileus
 فاهمين الفرق يا أولاد ؟؟؟

هو فيه gall stone ileus ،، ال Investigation of choice فيها ال ultra sound ؟؟؟!!!!
 إحنا هنهزر
 مين الي بيشخص ال Intestinal obstruction بال Ultra sound
 ال Investigation of choice بيكون ،، plain x-ray abdomen

عكس ال cholecystitis
 ال acute cholecystitis ،، ال investigation of choice فيها ال ultra sound
 مش ال plain x ray خالص

شايفين المرض بيتغير إزاي ؟؟؟!!!!
 من acute cholecystitis إلى acute cholecystitis complicated by gall stone ileus

لو العيان عنده gall stone ileus
 خلي بالك ،،
 أنا بفتح بشيل ال stone ،، لكن
 معرفش ألعب في ال mass

ال Mass دي مليانة omentum ،، هعور حاجة
 أفتح أشيل ال stone وأقفل

وبعدين أمشيه ryle و line و catheter و fluid لغاية ما ال omentum يمشي
 أبقا أخش أشيل ال gall bladder
 لأنها mass

بصوا يا أولاد ،، واحدة عندها acute cholecystitis ،، وهي fatty , fertile, forty
 بتشتكي من Pain في ال right hypochondrium

Radiating to the back and to the right shoulder
وحرارتها 39 وعندها rebound tenderness و rigidity و gaurding
jaundice و

• يا Mirizzi syndrome

• يا دخلت في cholangitis

يا مرازي سيندورم يا إما الإلتهاب انتقل من ال gall bladder لل common bile duct فراحت قالبة cholangitis

يعني هقوله كده :

ده acute cholecystitis « complicated by Mirizzi syndrome or cholangitis

ال acute cholecystitis متعملش jaundice « unless cholangitis or Mirizzi

ال acute cholecystitis متعملش jaundice unless cholangitis أو Mirizzi

ومكتوب الكلام ده عندكم

إن ال acute cholecystitis متعملش jaundice

Unless إن فيه cholangitis أو Mirizzi

خلي بالكم يا أولاد «

إن ال Mirizzi «، يعني stone زاقة ال common bile duct من الجنب أو عاملة fistula

طيب «،

يا أولاد «، لو قولت لحد : واحدة عندها acute cholecystitis

ال investigation of choice إيه ؟؟؟

ال ultra sound

واحدة عندها Mirizzi syndrome «، ال investigation of choice ؟؟؟

ERCP

حاجة تانية خالص «، لأن المرض ده فيه Obstructive jaundice

فاهمين ؟؟؟؟

يعني لو قولت لحد : واحدة عندها acute cholecystitis

إيه ال investigation of choice ؟؟؟

ال Ultra sound

واحدة عندها Mirizzi Synddrome «، المرض اتغير «، مبقاش acute cholecystitis «، مبقاش obstructive jaundice

ال investigation of choice ؟؟؟

ال ERCP

فاهمين يا أولاد ؟؟؟؟

طيب «،

بصوا يا أولاد الحالة دي تريقة ☺

أصل أنا عرفت الحكاية دي منين ؟؟؟ الدكتور عبدالرحمن الله يمسيه بالخير «،

الدكتور عبدالرحمن من الناس اللي أنا بحبهم يعني «،

بقول هحطلمهم يا محمد سؤال تريكي ☺
as regard dermoid cyst : قولتلهم
وجبتلهم إختيارات ،، ومرضتش أقولهم sequestrated dermoid cyst عشان يغلطوا
وعشان يبقا عارف إن ال dermoid cyst دي أنواع
Sequestration و inclusion و tubuo dermoid و implantation و teratomatous
عشان كده مرضتش أحط النوع الأول
عشان دي تكون للطالب الشاطر
وكمان الطالب الشاطر مش هيعرفها

واستكمالاً لمسيرة التريكي ،،
أنا هقولكم الحالة دي يا أولاد ،،
بصوا يا أولاد ،، female, fatty, fertile , forty
عندها pain في ال right hypochondrium ،، radiating to the back and the right shoulder
و حراراتها 37 ،، ومفيش ولا gaurding ولا rigidity ،، أو Mild gaurding
دي biliary colic شاطر ،،
biliary colic دي

إفما إمتى أقول عليها acute cholecystitis ???

حرارتها عليت بقت 40
وفيه gaurding و rigidity و rebound tenderness
يبقا دي قلبت من biliary colic إلى acute cholecystitis

يعني أنا ممكن إيه ???

ألعب بالمغص ???

أه

وأجيبه في ال cases ،، colic بس ؟؟

أه ممكن

وممكن أجيبه acute cholecystitis ???

أه

إفما الفرق ،، ال fever وال gaurding وال rigidity و ال rebound tenderness
واضحة ???

ساعات ،،

بيحصل يا أولاد fistula مع ال colon
بيعمل حاجة اسمها cholecysto colic fistula

هو ليه يا أولاد ،، في ال gall bladder أنا مركز أوووي على ال fistula ????

عشان ال gall bladder دي distensible

مبتفرقعش بسهولة ،، بتقعد كثير

فال omentum بيحوط حوالها

حتى ال complications دي واضحة؟؟؟

إن شاء الله سهلة أوووي

هو إيه سبب ال gall stone؟؟؟

- Primary
- secondary و شاطرين يا أولاد

يعني إيه primary؟؟؟

Metabolic errors

تمام كده،

لعلمكم يا أولاد، أهم حاجة الهياكل قبل التفاصيل

أومال يعني إيه secondary؟؟؟

Infection

ال infection بيعمل stone إزاي؟؟؟

Provide nidus ويغير ال PH

إيه أنواع ال stones؟؟؟

Cholesterol, pigment and mixed

مين ال commonest؟؟؟

Mixed ال

من غيرها متعرفش تحل ال MCQ

ال commonest stone فيها ال mixed

ليه؟؟؟ هو ال Infection في ال gall bladder، common إنه يعمل ال stones؟؟؟

أصل infection هيعمل stone

يا إما ال stone لما هنتعمل هيعمل infection

تقوم بردو عاملة mixed stone بعدها

إذاً في الآخر مأل الموضوع إيه؟؟؟

Mixed stone

الموضوع في الآخر Infection، يا إما هو اللي بدأ وعمل stone

لأما ال cholesterol stone عملت infection تقوم عاملة Mixed stone بعد كده

إذاً في الآخر، ال commonest stone هي ال mixed

واضحة يا أولاد؟؟؟ ولا لا؟؟؟

طيب،

يا أولاد إيه ال complications بتاعت ال stone formation؟؟؟

OMUMI

- Obstruction
- Migration
- Ulceration
- Metaplasia
- Infection

طبيب،

يا أولاد، لو جيت سألتك إيه ال clinical pictures of gall stone؟؟؟

تقوم تقولي : هو ال stone فين وعاملة إيه ؟؟؟

أقولك : healthy gall bladder في cholesterol stone

تقولي : asymptomatic ،، برفاوا عليك

ال healthy gall bladder بتكون asymptomatic

Stone سدت ال cystic duct

تبقا biliary colic أو acute cholecystitis

إيه الفرق بينهم ؟؟؟

Fever و rigidity و guarding و rebound tenderness

Stone سدت ال common bile duct

Calcular obstructive jaundice

Stone سدت ال common channel

Acute pancreatitis

فاهمين ؟؟؟

أدي ال clinical pictures يا أولاد

تتراوح بين ،، asymptomatic لغاية pancreatitis

معتمدة هي فين

إيه ال Investigations of choice في gall stone؟؟؟

هي الحصوة فين !! وعاملة إيه ؟؟؟

واحدة جاياي وعندها asymptomatic gall stone

أومال جاياي ليه ؟؟؟

جاية بأي حاجة ثانية ،، جاية مثلاً عندها Urinary tract infection

بيعملولها sonar

قاموا اكتشفوا ال gall stone

فاهمين يا أولاد ؟؟

طبيب،

واحدة عندها biliary colic

إيه ال Investigation of choice ???

Ultra sound

بصوا يا أولاد ،،

حصوة في ال gall bladder ،، إلهي ربنا يستركم

دنيا وأخرة ،،

عايز طالب اللي بجيب 99 في المية في الثانوية العامة

يحفظ كلمتين :

• حصوة في المرارة ،، ultra sound

• حصوة في القناة المرارية ERCP

حصوة في المرارة ،، يبقا ultra sound

حصوة في القناة المرارية ،، يبقا ال ERCP

يعني ،، يا أولاد لو حد عنده حصوة في المرارة ،، ال Investigation of choice

ال Ultra sound سواءاً بقا biliary colic أو acute cholecystitis

أو chronic cholecystitis

حصوة في المرارة يا عروسة ،، يعني asymptomatic

أو biliary colic أو acute cholecystitis أو chronic cholecystitis

كلهم ultra sound

حصوة في المرارة ،، asymptomatic

أو biliary colic ،، أو acute cholecystitis أو chronic cholecystitis

كلهم Ultra sound

حصوة في ال common bile duct

يبقا ال ERCP

لأن ال accuracy بتاع ال ultra sound في ال common bile duct وحشة

بيكون % 70 بس

ال accuracy بتاع ال ultra sound في ال common bile duct وحش

سبعين في المية بس

يقوم ال Investigation of choice يبقا إيه ???

ال ERCP

لو ال ERCP مدانيش اللي أنا عايزه ،، يبقا ال PTC

السونار في ال obstructive jaundice ليه role واحد بس ،، dilated intra hepatic bile duct

لسه قايلينها

ال sonar في ال obstructive jaundice ليه role واحد بس

Dilated intra hepatic bile duct بس

لكن ،

Investigation of choice في ال obstructive jaundice

ERCP ال

لو failed ،، يبقا ال PTC

واضحة يا أولاد ؟؟؟

طيب ،

إيه ال Investigation of choice لو العيان جاله Pancreatitis ؟؟؟

ال serum amylase وال CT scan

طيب ،

لو لقيت ال serum amylase ما بين ال 300 و 1000

طيب ،

ليه يا أولاد عيانيين ال Pancreatitis تعملهم arterial blood gases و تعملهم chest x ray ؟؟؟

عشان ال complications

برافوا عليكم ،، بسم الله ما شاء الله

أنا حاسس إن شاء الله ،، إن في آخر المراجعة المستوى هيزيد

بس بردو هتنسوا ☺

مش ابننا ،، أهم حاجة شرف المحاولة

أنا أحاول وإن تحاول ،، مش يمكن نَعْدِي ☺

بصوا يا أولاد ،،

يعني إيه حصوة في ال gall bladder ؟؟؟ يعني العيان بيشتكي من إيه ؟؟؟

على حسب ،،

مممكن يبقا إيه ؟؟؟

مممكن يبقا asymptomatic ،، أو biliary colic ،، أو acute cholecystitis ،، أو chronic cholecystitis

برافوا عليكم ،، هايل

بصوا يا أولاد قولتلته : حصوة في المرارة ،، العيان يشتكي من إيه ؟؟؟

قال : يا asymptomatic ،، يا biliary colic ،، يا acute cholecystitis ،، يا chronic cholecystitis

طيب ،،

حصوة في ال common bile duct ،، دي equal إيه ؟؟؟

Obstructive jaundice

طيب ،،

حصوة في ال common channel ؟؟؟

Acute pancreatitis

واضحة ؟؟؟ إن شاء الله

الحصة الجاية ،، همسك واحد فيكم ،،

هسأله حصوة في ال gall bladder ،، العيان هيشكي من إيه ؟؟؟ أنا محتاج كام كلمة ؟؟؟ أربعة

حصوة في ال gall bladder كام كلمة ؟؟؟
أربعة

كلهم ال Investigation بتاعهم إيه ؟؟؟

ال Ultra sound

الأربع كلمات " إيموشن واحد مستغرب " الأربعة !!!! بال ultra sound !!!!
واضحة يا أولاد ؟؟؟

أومال الحصوة الي في ال common bile duct ؟؟؟

يبقا ال ERCP

لو منفعش ،، يبقا ال PTC

أومال ال pancreatitis ؟؟؟

ال serum amylase

طيب ،، نقلب الورقة بقا ،،

هاتولنا بقا ال acute cholecystitis

واحد بيقول للدكتور : rest يا دكتور لغاية بعد المغرب ،، وبعدين نسهر براحتنا

Rest بعد المغرب !!! والي جايين بعد المغرب دول ،، أعمل بيهم إيه ؟؟؟

أخداهم البيت أديهم يعني ولا أعمل إيه ؟؟؟

شخصية رخمة

الشخصية الرخمة تبان يا أولاد من ال discussion بتاعها

واحد بيقولي يا أولاد : دي مراجعة ولا شرح !!! أل يعني الواد جامد

يا ريت تلخص لأن مستوايا أكبر من كده بكثير

هو أنا شوفت منكم كده !!!!

دي مراجعة مختصرة

Acute cholecystitis

هو أنا يا أولاد لو جيت أدرس لطلبتي acute cholecystitis

مقلقش ليه ؟؟؟

لأن طلبتي جامدة ،، عارفة إنها إلتهابات بقا ومش هياكل معاها الكلام ده

ال micro organism إيه يا أولاد ؟؟؟

ال E-coli

ال route of infection ؟؟؟

ال direct

ال predisposing factors ؟؟؟

ال bad general condition

ال stasis وال bad hygiene " دي متنفعش "

مين الي فيهم الي مينفعش ؟؟؟

ال bad hygiene ،، لأن محدش هياخد مرارته يديها فم

طيب ،،

أقوى predisposing factor ؟؟؟

ال stasis

بأمانة إيه ؟؟

بأمانة إن أكثر من 90 % من حالات ال acute cholecystitis

بكون calcular obstructive

عارفين لما قولتكم الحصة الي فاتت ،،

إن 2/3 حالات ال acute appendicitis ،، بكون obstructive

ورجعت قولتلها ثاني النهاردا

يبقا أقوى predisposing factor إيه ؟؟؟

ال Obstruction

لأن نفس الكلام ،، ال obstruction ،، ال stasis

بنسبة أكثر بقا يا أولاد ،،

أكثر من 2/3

أكثر من 90 % من حالات ال acute cholecystitis بكون obstructive

يعني بصراحة يا أولاد ،،

ال Non obstructive acute cholecystitis دي rare

الأصل ،،

ال obstructive acute cholecystitis

أقوى predisposing factor لل acute cholecystitis هو ال obstruction

والي متنفعش كا predisposing factor خالص

ال bad hygiene

طيب ،،

يا أولاد قولولي : ال pathologically إيه أنواع ال acute cholecystitis ؟؟؟

Catarrhal, suppurative and gangrenous

برافوا عليكم

لو catarrhal ومسدودة تحوش إيه ؟؟؟

Mucous

ويسموها إيه ؟؟؟

Mucocele

لو suppurative ومسدودة ،، تحوش إيه ؟؟؟ pus
ويسموها إيه ؟؟؟
Pyocele

طبيب ،،
لو gangrenous تتخرم فين ؟؟؟
يا عند ال fundus ،، يا عند ال Hartmann's pouch

تتخرم عند ال fundus ليه ؟؟؟
عشان ال blood supply

طبيب ،،
تتخرم عند ال Hartmann's pouch ليه ؟؟؟
عشان friction مع ال obstructing agent
واضحة يا أولاد ؟؟؟ كلام فاضي كله

طبيب ،،
هو أنا لو شيلت مرارة ملتهبة ،، يبقى لونها إيه ؟؟؟
أحمر
وال Peritoneal laster يحصله إيه ؟؟؟
Lost
وال cystic lymph node of لوند ؟؟؟
تكبر

يعني حمرا ،، و ورمانة ،، وال lymph node كبيرة
تبقا Hot و tender ولا لا ؟؟؟
لا ،،
ده جار ،، ده Pathology

فيه حد فيكم يا أولاد بيحط إيده على الجار كده " إيموشن اتلسوع وشد إيده بسرعة "
يقولك : أي أي أي
لا يا أولاد ،،
فيه فرق بين pathology و عيان
ال Pathology حاجة يا أولاد ،، والعيان ده حاجة ثانية

طبيب ،،
يا أولاد إيه ال complications of acute cholecystitis ؟؟؟
هو إيه ال complications بتاعت أي إلتهابات ؟؟؟
General and local
General الي هو FAHM ،، septicemia , pyemia and bacteremia

عايز أسمع Local complications لل acute cholecystitis؟؟؟

لو ال stone نطت في ال common bile duct تعمل إيه؟؟؟

Obstructive jaundice

طبيب

لو سدت ال common channel؟؟؟

Pancreatitis

طبيب

لو عملت fistula ، تعمل مع إيه؟؟؟

مع ال common bile duct

يسموها إيه؟؟؟

Mirizzi

ولو عملت fistula مع ال duodenum؟؟؟

Gall stone ileus

ولو عملت fistula مع ال colon؟؟؟

cholecysto colic fistula

إذاً يبقى مفيش complications of acute cholecystitis جديدة عليك

إنت عارفها كلها

هو نفس الكلام يا أولاد اللي إحنا بنأخده ، بنقعد نقوله هنا ونقوله هننا ونقوله ،

بس الطالب يبقى فاهم بس

صح يا أولاد ولا لا؟؟؟

طبيب

إيه ال clinical pictures of acute cholecystitis؟؟؟

Symptoms and signs

General and local

ال symptoms

General ، FAHM

ال local ، pain, swelling, disturbance of function

أوصفولي ال pain؟؟؟

Pain في ال right hypochondrium

Radiating to the back and to the right shoulder

طبيب

بيسمع في ال right shoulder ليه؟؟

عشان ال Phrenic

ال phrenic C 3, 4

مكتوب عندكم ، في بعض الأحيان L 3, 4

في النسخة القديمة
طبعاً هي الـ C3,4
ال Phrenic يا أولاد ،، ثلاثة وأربعة سي ،، مش L
فاهمين؟؟؟

طبعاً الدكتور اللي بيكتب ،، كتبها L فيه ؟؟؟
يقولك : المرارة تحت ☺
المرارة فوق إزاي بقا ☺ فاهمين زميلكم كتبها إزاي

ال Phrenic يا أولاد ،، C3,4
واضحة ؟؟؟
عشان كده بيسمع في الكتف اليمين

طبيب ،،
يا أولاد Pain
فيه swelling ؟؟؟
لا ،، أصل المرارة ورمانة جوا

فيه disturbance of function ؟؟؟
أه ،، vomiting و constipation
إشمعنا ؟؟؟

Peritonitis
وال Peritonitis بتعمل إيه ؟؟؟
بتنزل سكاكين الكهرباء
يقوم ال peristalsis إيه ؟؟؟
يقل

محدث يقلق ،، لسه فيه أبواب في ال GIT هتلاقي الكلام ده بيتقال مليون مرة بعد كده
بس في آخر المراجعة متخافش بقا
أي Peritonitis يا أولاد ،، بتعمل nausea و vomiting
عشان ال Peristalsis بتقل
واضحة ؟؟؟

طبيب ،،
يا أولاد ال signs ،،
General ،، fever و tachycardia
Local ،،
بال inspection ،، rigidity
ال superficial palpation ،، gaurding
ال deep palpation ،، tenderness و rebound tenderness
ال auscultation ،، decreased intestinal sounds
ال percussion ،، يكون negative

PR ، Negative ، لأن صعب يا أولاد حد بإصبعه يجيب ال gall bladder ،،

إذا كانت ال appendix ، مبتجيش بال PR

Unless, left appendix

يبقا ال gall bladder من باب أولى مش هتيجي ،،

« Special sign

Hyperesthesia على ال back بيسموها إيه ؟؟؟

Boas's sign

زي ما قولنا في ال appendicitis

فاكرين يا أولاد ؟؟؟

هو نفس الكلام بتاع ال appendicitis

بس ال appendicitis على الماكبرني ،، وال gall bladder على ال right hypochondrium

فاهمني ؟؟؟

حتى ال Hyperesthesia

بس في ال appendicitis ،، على شيرين

في ال gall bladder ،، على ال back

جميل ،،

نركز بقا فيها ،،

أومال ليه ال acute cholecystitis بتعمل edema على الجلد ،، وال acute appendicitis لا ؟؟؟

لأن ال gall bladder ال fundus بتاعها ،، لامس ال anterior abdominal wall

ال appendix لا

فلما ال gall bladder بتلامس ال anterior abdominal wall

وال appendix لا

عشان كده تلاقوا ال hyperesthesia في ال appendix شيرين

وهنا Boas's

إمها ال edema اللي على الجلد ،، موجودة في ال gall bladder بس

مش موجودة في ال appendix

فاهمين ال anatomy

واضحة يا أولاد ولا لا ؟؟؟

طيب العيانة اللي عندها acute cholecystitis

إيه ال investigation of choice ؟؟؟

Ultra sound ال

ممکن plain x ray ؟؟؟

والله إنت ممكن تعمل أي حاجة ،،

ممکن تعملها تحليل بول يعني ،، إنت حر

مش لازم تكتبلي هتشوف إيه بال sonar ؟؟؟

فاهمني يا أولاد ؟؟؟

أكثر من 90 % من ال gall bladder هتكون obstructed و distended و ال wall edemaotus

ال gall bladder ،،

Obstructed و distended و edematous

إنتوا عارفين ال X ray ،،

90 % مش هشوف الحصوات

أومال ليه أكتبله كده كلمة جميلة ،،

What is the major role of X ray in acute cholecystitis ؟؟؟

To detect air في ال biliary tree with gall stone ileus

ال Main value في plain X - ray

خلي بالكم يا عرايس ،، خلي بالك يا عروسة يا رغبة

ال Main value ل plain X - ray ،، في ال acute cholecystitis

To detect gall stone ileus

ألاقي air في ال biliary tree

ال Main value ل plain X-ray في ال acute cholecystitis

To detect gall stone ileus

ألاقي air في ال biliary tree

طبعا لو عملت HIDA scan

ألاقي ال Liver باين ،، وال common bile duct باينة

وال duodenum باين

بس ال gall bladder مش باينة

ليه يا أولاد ال gall bladder مش باينة ؟؟؟

عشان مسدودة

يعني في ال HIDA scan

ألاقي ال Liver باين ،، وألاقي ال common bile duct باينة ،، وال duodenum باين

لكن ،،

ال gall bladder مش باينة

مش باينة ليه ؟؟؟؟

مسدودة

مفيش حد فيكم يا أولاد ،، هيكتب ال Investigation في الإمتحان ميكتبش ليه

خدها مني قاعدة ،،

مفيش حد في ورقة ال written ،، هيكتب investigations وميكتبش ليه

براحتك بقا !!!

لكن ،

لما ألقى واحد كاتب ال Investigations ، ال Ultra sound نقطة

CBC نقطة ،

لو جيت تعيد تصحيح الورقة ، هتلاقي الورقة مبلولة

ليه ؟؟؟

هتلاقيه تف عليها وقلب الورقة

محدث فيكم هيكتب investigations في الإمتحان

ويسيبه إسم سايب في الهواء

عشان وإنت بتذاكر ، تكون محضر نفسك بقا

كل واحد وهو بيذاكر يحضر نفسه للحنة دي بقا

طيب ،

إزاي أعالج acute cholecystitis ؟؟؟

بصوا يا أولاد ،

علاج ال acute cholecystitis في أول 48 ساعة ، urgent cholecystectomy

علاج ال acute cholecystitis في أول 48 ساعة ،

Urgent cholecystectomy

علاج ال acute cholecystitis ، بعد 48 ساعة ،

Conservative

إسمعنا ؟؟؟؟

ال omentum

يعني علاج ال acute cholecystitis ،

Cholecystectomy

لو عملت Mass

Conservative

ليه يا أولاد ، لو عملت mass يبقى conservative ؟؟؟

يعني أعمل إيه !!!

الدنيا ملزقة ، هعور حاجة

طيب ،

Conservative يعني إيه ؟؟؟

Ryle و line و catheter و fluid

هو ال conservative treatment في ال acute cholecystitis فيه بؤين

بوء على ال analgesic

ومش داخلها bile
مالك ومال التركيزات في ال bile ؟؟؟
فاهمني ؟؟؟
المضاد الحيوي الطريقة الوحيدة لوصوله لل gall bladder الدم
بس
لأن ال gall bladder مسدودة
بنسبة كام ؟؟؟
أكثر من 90 %
عشان كده ،،، متديش antibiotic تركيزه عالي في ال bile
إدي antibiotic تركيزه عالي في ال serum
تاني يا أولاد ،،
إزاي نعالج acute cholecystitis ؟؟؟
لو خلال أول 48 ساعة ،، بيقا Urgent cholecystectomy

بعد ال 48 ساعة ،،
Conservative
Semi-sitting position و ryle و Line و catheter و fluid
وعايز بؤين :
بوء على ال analgesic
و بوء على ال anti biotic
• بوء على ال analgesic ،، متديش مورفين
• بوء على ال antibiotic ،، تركيز عالي في ال serum

يعني يا أولاد ،،
عايزكم تكتبوا كده ،، جنب ال conservative treatment ،،
زي Oschner Sherren's + بؤين

زي ال Oschner Sherren's "بتاع الزائدة" + بؤين
بوء مضاد حيوي وبوء analgesic

بصوا يا أولاد ،،
ال chronic cholecystitis

Chronic cholecystitis

هو مين اللي عندها chronic cholecystitis يا أولاد ؟؟؟
بصوا يا أولاد ،،

ال chronic cholecystitis ،، أنا عايز عليها إيه ؟؟؟
عايز management ،، حته واحدة

Management of chronic calculous cholecystitis

يعني إيه mangement ؟؟؟
Clinical pictures, investigations and treatment

Mangement of chronic calcular cholecystitis
هو طبعاً ال gall bladder ،، هتبقا shrunken و fibrotic
وفيها Loss of luster
وال Lymph node of لوند كبيرة
وفيها multiple stones

طبعاً أنا مش هتكلم على الكلام ده إلا على الجارات
شوف بقا لما أوريكم جارات ال gall bladder ،،
يعني دا روعة ،، روعة حنة الجارات بتاعت ال gall bladder

هو إيه ال clinical pictures بتاعت ال chronic cholecystitis يا أولاد ؟؟؟
طلبتني في دماغها إيه عن ال chronic cholecystitis ؟؟؟
أنا مبسوط منك ،،
شوفوا يا أولاد الواد ده ذكي إزاي ؟؟؟
Target علطول

هو ال chronic cholecystitis ،، كده

• Fat dyspepsia

• Murphy's sign

أومال إيه الكلام الكثير اللي بقوله ده ؟؟؟

ده بيقولي : ده complications

الكلام الكثير ده الموجود عندهم ،،

ال complications

لكن ،،

يعني إيه chronic cholecystitis ؟؟؟

Murphy's sign و Fat dyspepsia

هو مين اللي عندها chronic cholecystitis يا أولاد ؟؟؟

ماما ،، والستات اللي هما في البيوت

الستات اللي هما female, fatty, fertile, forty

إيه الأحداث ؟؟؟؟

غيرت سمنتها

بتطبخ بإيه ؟؟؟

بالنخلتين

كانت زمان بتطبخ بإيه ؟؟؟

سمنة بلدي

وتعمل الأكل ماله ؟؟؟

مسيك

دلوقتي بتطبخ بالنخلتين ،، وتعمل الأكل ني في ني

وبعدين تسألها ،، فين الطواجين بتاعت زماااa

تقولك إيه ؟؟؟

مش صحية

بتعمل انتفاخات ،، وكركرة في البطن

fat dyspepsia هو ده ال

chronic cholecystitis هو ده ال

تقولها : نامي ،، اكشف عليكي ،، ولا أنت عارف حاجة

بس معلش هجرب كده حاجة

تقولها : هنا بيوجعك ؟؟؟

تقولك : لا

هنا بيوجعك ؟؟

لا

هنا بيوجعك ؟؟

لا

تقولها : هنا ؟؟؟

تقولك : آي ،، آأي

أيووووووووه ،، هي دي الحنة اللي بتوجعك

ومش قادرة تكمل النفس

Murphy's sign هو ده الي اسمه

هو ال chronic cholecystitis كده ،،

positive Murphy's sign و Fat dyspepsia

بس ،،

أومال إيه الكلام الثاني المكتوب ده ؟؟

إن واحدة من دول يا أولاد ،، لو قلت عقلها بقا ،، وتروح فرح

تقوم لادعة دسنة جاتوه

وبعدين ترقص ☺

تقوم الحصوة ،، تتحرك ،، تقوم قالبية ب biliary colic

Followed by acute cholecystitis

clinical pictures of complications دي اسمها

clinical pictures of complications دي اسمها

لكن،

ال chronic cholecystitis ، كلمتين :

Fat dyspepsia

positive Murphy's sign و

خلااااااااااااا

نأخذ بوريك يا أولاد ،،

تم بحمد الله الإنتهاء من تفريغ المحاضرة رقم 9

ربنا يسر ويتفرغ الباقي

الساعة 8 و 38 دقيقة صباحاً

23 ستمبر 2012

Chronic cholecystitis

ال gall bladder ،، بتكون shrunken و fibrotic

multiple stones وفيها

Multiple stones ال دی یا أولاد ،، مش سادة ال gall bladder

خلي بالك يا ولا في الفرق ما بين ال acute وال chronic

ال acute ، دی stone تسد ال gall bladder

ال chronic ، دی stones مش سادة ال gall bladder

خدت بالك من الحتة دي

يعنى ال chronic cholecystitis

ال gall bladder بتكون shrunken و fibrotic

gall bladder وال stones مش سادة ال

واضحة يا أولاد؟؟؟

طیب

يا أولاد ساعات يعملوا حاجة اسمها dynamic ultra sound

إيه الفرق بين ultra sound و dynamic ultra sound ???

ساندویش بینہم

الفرق بين ال ultra sound وال dynamic ultra sound فيه ؟؟؟

ساندویتش بینهم

يعني إيه ؟؟؟

اعمل للعيانة sonar ، و خُذ أبعاد ال gall bladder

هتلاقها shrunk و fibrotic

خُد اُبعادها

وبعدین اِدیها ساندویتش زبده

وبعد نص ساعة ،، قيس ال gall bladder تاني

هتلاقيها منقبضتش

منقبضتش ليه ???

dynamic ultra sound عيانة fibrotic ، هو ده إسمه

الفرق بين ال ultra sound وال dynamic ultra sound

ساندويتش بينهم

يعني إيه ultra sound ???

يعني عملت Ultra sound للعيان

لقت gall bladder ، shrunk و fibrotic وفيها stones

يعني إيه dynamic ultra sound ???

تقوم مديها ساندويتش زبدة ، وبعد نص ساعة تقيس ال gall bladder ثاني

ألاقيها منقبضتش

واضحة يا أولاد ???

أنا لما أقول يا أولاد ultra sound أو dynamic ultra sound

يبقا هنا خلاص ال Investigation للمرض

أومال إيه ال investigations for complications ???

يعني مثلاً ال obstructive jaundice ، ERCP

لو جالها pancreatitis ، أقيس ال serum amylase وال CT scan

فاهمين يا أولاد ؟؟

يعني فيه Investigations للمرض

وفيه investigations for complications

واضحة يا أولاد ??? إن شاء الله

إزاي يا أولاد بنعالج ال chronic cholecystitis ???

بصوا يا أولاد ،

علاج ال chronic calculous cholecystitis ، كلمة واحدة cholecystectomy

علاج ال chronic calculous cholecystitis ، كلمة واحدة cholecystectomy

ال Non calculous cholecystitis ، علاجها medical ، conservative

لكن ،

علاج ال chronic calculous cholecystitis ، ال cholecystectomy

Mangement of obstructive jaundice هاتولنا يا أولاد

Management of calcular obstructive jaundice

بصراحة يا أولاد ،
هو حلو أوووي يا أولاد ، لما حد يجي يبص كده ، يأخذ باله من الفروقي في الجدول
ليه بقا ؟؟؟

أنا نفسي تعرفوا حوادث ، مش data
حوادث

يعني إيه calcular obstructive jaundice ؟؟؟
يعني female, fatty, fertile, forty بتشتكي من episodes of biliary colic
يعني الأمهات اللي في البيوت
الي هي بتشتكي من fat dyspepsia
و positive Murphy's sign

فجأة ، اخضرت ،
calcular obstructive jaundice أدي

Female, fatty, fertile, forty
معندهاش حاجة إلا fat dyspepsia و Murphy's sign
الست دي فجأة اخضرت ، هو ده ال calcular obstructive jaundice

نشخصها وهي داخلة عليا ،
Female, fatty, fertile, forty
ومخضرة

أقوم أسألها أسئلة ،
بتهرشي ؟؟؟؟
أه : تقولك
أصلها زيتونة بتهرش ، وإيه يا أولاد ؟؟؟
وعسل وطحينة
تماما

الي هو ال data بتاعت أي obstructive jaundice
فاهمني يا أولاد ؟؟؟
بس زيد عليها ال type of patient
إنها female, fatty, fertile, forty وعندها fat dyspepsia
وبعدين فجأة اخضرت
بقت زيتونة وبتهرش
Urine عسل
و stool طحينة
طيب ،

في ال general examination ???

ألقي scratch marks

ألقي Virchow's ???

لا، دي مش malignant

طيب،

في ال local examination ???

ألقي ال gall bladder إيه ؟؟

صغيرة

فين بقا الكلام الحلو الجميل ؟؟

ال calcular obstructive jaundice ، تفتكروا أيها حصوة جوا ال common bile duct ، إحصائياً

ال cholesterol ولا ال mixed ???

ال Mixed

إشمعنا ???

هي الي بتيجي وصغيرة ، فهي الي فهمت إزاي تنط من ال cystic duct

يعني الحصوة ال Mixed دي

معمولة في وجود Infection

لدرجة إنها محملة بالميكروبات

فلما بتنزل في ال common bile duct ، تقوم عاملة ascending cholangitis

يقوم العيانة يجيلها حاجة اسمها Charcot's triad

إيه ال Charcot's triad ده ???

Triad يعني كام كلمة ???

تلاتة

العيانة في الأصل ، عندها pain " الي هو ال biliary colic "

و jaundice

إيه الجديد ???

Fever

إذاً ، infective calcular obstructive jaundice

Equal Charcot's triad

Infective calcular obstructive jaundice = Charcot's Triad

طيب ،

وليه يا أولاد ال Infection مع ال stone مش مع ال malignancy ???

لأن ال stone في الأصل متكونة في وجود ال infection

فهي نازلة ال common bile duct

محملة بإيه ???

بالميكروبات

عشان كده يا أولاد ،، ال Charcot's triad ده يا أولاد ؟؟ ال calcular obstructive jaundice

هو العيانة في الأصل عندها pain
فالموضوع بدأ ب pain " الـي هو الـ biliary colic " **وبعدين إيه الجديد؟؟؟**

Jaundice

فخرجت الـولية من درس الـ cholecystitis ، دخلت درس الـ Obstructive jaundice
وبقا عندها حاجتين :

- Pain من الـدرس الـي فات
- Jaundice من الـدرس ده

طيب إيه الجديد؟؟؟

إنها بقت complicated by infection فراحت داخلـة في Charcot's triad

وده خطر؟؟؟

أه طبـعاً ، الـ ascending cholangitis دي يا أولاد بيـقولوا عليها cholangio-hepatitis
الكبدـة يا أولاد ، مليانة صديد

تعمل septicemia

والعيانة تبدأ يجيلها septic shock

Hypotension و disorientation و renal failure

يقولك : هتخش في حاجة اسمها **Reynold's pentad** وتموت
إيه ده !!!

يعني الأمهات الـي في البيوت الـي عندهم chronic calcular cholecystitis ، ومش راضيين يعملوا العملية في خطر؟؟
جداً

أومال ليه مبيعملوش العملية؟؟؟

عشان مش فاهمين

هي عندها شوية fat dyspepsia

قولتها : تعمل عملية بتوقع

تقولك : **وليه ما أغير سمنتي " سمن النخلتين " وصحية**

وفيه ستات مبتطبخش بالنخلتين ولا أي سمنة

بتطبخ بزيت الدرة الصافي ، عافية ،

الـي فيه عنصر ألفا دي

يخلي الكوليسترول تحت

يعني صحي

أيوة ،

بس أنا مبعملش العملية عشان fat dyspepsia

وأنا مالي أنا تطبخ بالنخلتين ولا تطبخ بزيت عافية

هي هتطبخلي !!! ما تطبخ براحتها

بصوا يا أولاد ،

أنا بعمل cholecystectomy ، لأنها هي دلوقتي عندها مرض بسيط أووووي

fat dyspepsia

بعد كده ، هتقوم واخدة خطوة وداخلـة درس الـ obstructive jaundice

يقوم لونها يخضر

وبعدين تقوم واحدة خطوة ثانية ، Infection

تقوم داخله في Charcot's triad

وبعدين ، Reynold's pentad

وبعدين بخ موت ☹

وكان الطريق بتاع الموت ، بدأ بخطوة

الي هي ال fat dyspepsia

فاهمين يا أولاد ؟؟؟

إذا ال calcular obstructive jaundice في الأصل مرض خطير

لأن نهاية Reynold's pentad

و Charcot's triad الي عاملين عليه دوشة ده ، ولا حاجة

ده عبارة عن calcular obstructive jaundice حصل عليها ascending cholangitis

هو ده ال Charcot's triad

ولأن ال cholangitis ده مرض خطر ، بجيلها septic shock

فتقوم داخله في Reynold's pentad

واضحة يا أولاد ؟؟؟

طيب ،

إيه الكلمة الثانية الطريفة جداً وأنت بتقرأ ؟؟؟

إن ال calcular obstructive jaundice إنها fluctuating in course

يعني ال jaundice ساعات تزيد وساعات تتحسن

ساعات تزيد وساعات تتحسن

نفهمها أوووي من إيه يا أولاد ؟؟؟

من الكرة السحرية بتاعت غسالة زانوسي العبد

مش غسالة زانوسي العبد ☺ يا أولاد فيها كورة بتجري وبتروح

بتوفر في المسحوق والمية

عايزكم تحسوا بال common bile duct مليانة bile

والحصوة بتعوم

عمالة تطلع وتنزل ، تعمل حاجة اسمها ball valve effect

كورة زانوسي العبد ، ball valve effect

يقوم ال jaundice ساعات تتحسن وساعات تتنيل

ساعات تتحسن وساعات تتنيل

كلمة مميزة أوووي

إذا مميز في ال calcular obstructive jaundice

Reynold's pentad و Charcot's triad وال Intermittent jaundice هما تلت كلمات المميزين

fluctuating jaundice بتكون Reynold's pentad « وإن ال

على فكرة

Reynold's pentad ال

altered mental state and shock إلى Charcot's triad بالإضافة

طيب «

هي العيانة بتاعت ال calcular obstructive jaundice دي «

بنعرفها إزاي وهي داخلية علينا؟؟؟

الtype of patient

مالها؟؟؟

Female, fatty, fertile, forty

أول خطوة عندها كان Just إيه؟؟؟

" pain " Biliary colic

وبعدين؟؟؟

اخضرت «

فراحت داخلية درس إيه؟؟؟

al obstructive jaundice

وبعدين؟؟؟

Infected « فدخلت في ال Charcot's triad

وبعدين؟؟

Reynold's pentad ال

وبعدين؟؟؟

ماتت

واضحة؟؟ إن شاء الله

طيب «

الست دي لما أجي أدور على كلام حلو في الموضوع «

يطلع الكلام المميز فيها إيه؟؟

Reynold's pentad « و Charcot's triad

وفاضل كلمة ظريفة؟؟؟

ال stone الي عمالة تعوم دي « بتعمل حاجة اسمها ball - valve effect

Intermittent obstructive jaundice ودي تساوي

أومال بعرف ال malignant obstructive jaundice إزاي؟؟ وهو داخل علينا؟؟؟

Male

جلده ماله؟؟؟

اخضر « جلده مخضر

بيهرش؟؟؟

أه « ما هي زيتونة بتهرش

راح الحمام « ينزل غسل وطحينة

في ال general examination ؟؟

Scratch marks و Virchow's

وال Local examination ؟؟؟

Gall bladder كبيرة ، و Courvoisier

واضحة يا أولاد ؟؟؟

أومال فين الكلام الرخم ؟؟؟

الكلام الرخم في ال Courvoisier ، إن إحنا نقولك كده : ال Courvoisier's law يقول ،

إن في ال malignant obstructive jaundice بتبقا ال gall bladder كبيرة

لأنها healthy

في ال Malignant obstructive jaundice

ال gall bladder بتبقا كبيرة ، لأنها healthy

ف distensible

ال gall bladder كبيرة ، لأنها healthy

فبتكون distensible ، صح

نبدأ بقا نرخم عليك ،

أقولك : طيب ، إمتى Malignant obstructive jaundice تخلي ال gall bladder متتحسش ؟؟؟

واحد بيغلس عليك تسببه !!!!

لا طبعاً

تغلس عليه ، عايزك تجيبه myocardial infarction

تقوله : لو ال gall bladder congenitally absent ☺

أو surgically removed

أو shrunken و fibrotic

هو قاعد مستنى الكلام ده يا أولاد ؟؟؟

دا كلام أي حد متخلف يقوله ☹

إمتى Malignant obstructive jaundice متكبش ال gall bladder ؟؟؟

لو congenitally absent

Surgically removed

fibrotic و Inflamed

أومال هو قاعد مستنى إيه ؟؟؟

Klatskin tumor خلص ،

إن العيان يجيله carcinoma عند ال Porta hepatis

هو عايز كلمة Klatskin tumor

عشان يسألك : وإيه علاقة الورم ده بالجلد ؟؟؟

تقوله : ملوش أي علاقة بالجلد ، دا اسم الراجل كده ، زي Open the door فتح الباب

فتح الباب ، هو ماله ومال الباب ☺
فاهمني يا أولاد ؟؟؟
الورم اسمه كده
واضحة يا أولاد ؟؟؟

طبيب ،
هو ال calcular obstructive jaundice
بتخلي ليه ال gall bladder متتحسش ؟؟؟
عشان shrunken
يقوم يسألك : وإمتى ال gall bladder يبقى فيها calcular obstructive jaundice و ال gall bladder تتنفخ ؟؟؟
لو كانت rare وال stone كانت cholesterol
وال gall bladder كانت Healthy

لو ال stone اللي نطت ، كان cholesterol stone
فال gall bladder ، Healthy

أو العيان عنده Mucocoele ، أو pyocoele
لو mucocoele ، أو pyocoele هتتنفخ

ال mucocoele ، ال pyocoele ، ال Mirizzi syndrome
فاهمين ؟؟؟

يعني ال Mirizzi syndrome يخلي ال gall bladder تتنفخ Mucocoele أو Pyocoele
تتنفخ يعني شوية ، شوية
أصلها بردو fibrotic ، مش هتتنفخ أوووي
بس تتنفخ شوية

يعني حاجتين يخلوا ال gall bladder ، distended في calcular obstructive jaundice
• يا إما cholesterol stone في Healthy gall bladder
• يا إما Mirizzi syndrome
يا cholesterol stone ، يا Mirizzi syndrome

ما هو خلي بالك ،
Mirizzi syndrome دي ، يعني الحصوة زاقة ال common bile duct من الجنب
أو fistula
تعمل Mucocoele أو Pyocoele فتنفخ ال gall bladder سِنَّة ، سِنَّة بس
واضحة يا أولاد ولا لا ؟؟؟

طبيب ،
هو العيان اللي عنده obstructive jaundice ، واخدين بالك يا أولاد ، أنا عايز أفك الجدول والداتا عندكم أحولها لحدوتة أحسن
يعني الموضوع بيدأ كده ،
لو جنتلك ولية تخينة ، fatty, fertile و تقوم ماسكها بقا خطوة خطوة

عندها biliary colic

وبعدین اخضرت ،، وبعدین سخت ،، وبعدین ماتت

ونقوم لادعين واحد زيتونة ،، بتهرش ،، على عسل وطحينة equal إليه

على Reynold's pentad و Charcot's triad

فاهمني ؟؟؟

ball valve effect و

وَأَقُومَ دَاخِلَ عَلٰى ال malignant obstructive jaundice

جلده اخضر،، فاهمني يا أولاد؟؟؟

scratch marks وبعدين عنده

وعسل وطحينة

ونقوم لادعين واحد Virchow's على واحد Courvoisier

ويبقا خلاص ،، خلص

فين يا أولاد الكلمة الحلوة أووووي في ال malignant obstructive jaundice في ال Courvoisier؟؟؟

كلمتين بصراحة :

- أول كلمة فيهم ،، إن ال Malignant obstructive jaundice « painless except late

دا الورم يا أولاد اسمه الورم الخبيث ،، مينفعش إلا متأخر late

فاهمین یا اولاد؟؟؟ دی اول حاجه

painless condition except late « Malignant obstructive jaundice إن ال

الكلمة الثانية الحملة يا أولاد،، غير إن ال Malignant jaundice تكون painless except late

- الكلمة الثانية ،، إن ال Progressive « Malignant obstructive jaundice

progressive « ده سرطان »

لكن،

Rare

peri ampulla carcinoma في ال

ممکن يحصل slaughting و necrosis مرتين ثلاثة،، في عمره كده

Malignant obstructive jaundice **يعني هما بصراحة ال**

فيها كلمتين : painless و ال peri ampulla carcinoma ممكن يحصل slaughting

ماااااااشى

Painless و ال peri ampulla carcinoma ممكن بعمل slaughting

واضحة يا أولاد؟؟

طیب،

هو إيه رأيك يا عروسة ،، تعملي إيه Investigations لحد عنده obstructive jaundice ???

برافوا علیکی،

Liver function : بتقولى :

تلاقي مين الي عالي؟؟؟

direct bilirubin وال alkaline phosphatase وال prothrombin time يكون Prolonged طيب ،،

وبعد ال liver بنعمل إيه؟؟؟

Kidney

لأنها إيه؟؟

كبدة وكلاوي ،،، حلة واحدة

طيب ،،

بعد ال Liver وال Kidney؟؟

Urine

ألاقي ال Urine حاجتين؟؟

Dark و frothy

ليه dark؟؟؟

عشان ال direct bilirubin

وليه frothy؟؟؟

Bile salts

بنكشف عن ال frothy ده بإيه؟؟؟

بحاجة sluphar test

طيب ،،

ال stool بنلاقيه إيه؟؟

Clay ،، عشان مفيش stercobilin

طيب ،،

أعمل Ultra sound ليه؟؟؟

Dilated intra hepatic bile ducts

على فكرة ،،

لو لسه بتنسى لغاية دلوقتي ،،، متخفش بقا ،، إنت هتبقا مشاكلك في النسا والجراحة وفي كل حاجة

متخفش ،، مفيش عندك مشكلة في الجراحة خالص

إنت idiot

بعد 19 محاولة مفيش فايده

بال Ultra sound؟؟؟

Dilated intra hepatic bile ducts

وممكن stones في ال gall bladder

أومال إيه ال Investigation of choice؟؟؟

ال ERCP

هو ال ERCP هشوف إيه ؟؟؟

هشوف السبب ،

لو stone ، هتبان filling defect

لو cancer ، يبان stricture وأخذ biopsy

لو stone ، هتبان filling defect

لو cancer ، هتبان stricture وأخذ biopsy

فاهمين يا أولاد ؟؟؟

طيب ،

لو لقيت ال ERCP ، failed canulation

أقوم ألجأ لإيه ؟؟؟

لل PTC الي هي Percutaneous transhepatic cholangiography

إيه ال commonest complications لل ERCP ؟؟؟

Ascending cholangitis

وإيه ال Most serious complications لل PTC ؟؟؟

Biliary peritonitis

مين فيكم ، ميعرفش المعلومات دي عشان أدبجه ، وأقتله ، وأدفن عاره

يعني إيه ERCP ، يعني ascending cholangitis

واحد يمشي في الشارع من غير المعلومة دي معروفش

يعني إيه ERCP ، يعني ascending cholangitis

إشمعنا يا أولاد ؟؟؟

إحنا عمرنا ما نبعت العيان يعمل ERCP إلا لما بنديله prophylactic antibiotic

النايب لازم يعرف ،

إن العيان ده وهو نازل ، لازم يأخذ prophylactic antibiotic

ال commonest complications لل ERCP

ال ascending cholangitis

طيب ،

وأنا ليه حاطط ال ERCP قبل ال PTC ؟؟

ال PTC خطر ، خطر

لما بنيجي ندخل ال needle في ال bile duct ونحقن الصبغة

ساعات ال Needle الي بنستخدمها تخرج bile في البريتون

وتعمل حاجة اسمها biliary peritonitis

فلازم الدكتور يبقا ليه أنا بقدم ال ERCP على ال PTC

ال ERCP أقل خطورة ،

ال PTC أخطر ، يعمل biliary peritonitis

فاهمين فيه يا أولاد ، ال data دي مهمة ؟؟

واضحة يا أولاد ولا لا ؟؟؟

طبيب ،

مين ال Investigation الجديد بعد ال ERCP وال PTC

طلع حاجة جديدة ، ال MRCP ، ال الي هو Magnetic Resonance Cholangio Pancreatography

فيه عيين ؟؟؟

• غالي

• و diagnostic بس مش therapeutic

ال MRCP ، Magnetic Resonance Cholangio Pancreatography

يعني MRI على ال biliary tree

مفيهوش صبغة ولا حَقْن ولا حاجة

ويديني ERCP quality

يعني يبين ال bile أبيض ، ويبين ال wall لو فيه stricture أو فيه stone

زي ال ERCP وال PTC

ومن غير حَقْن ، ومن غير Invasion

بس عيبه ، إنه غالي ، و diagnostic بس ، مش therapeutic

طبعا ،

إنتوا فاهمين ، إننا بنراجع ، عارفين إن ال ERCP ده ، لو لقيت stone

أروح شايلها ، هو diagnostic و therapeutic

ال PTC ، بدخل إبرة ، وبحقن صبغة

طلع فيه stone ، أسيب الأسطرة ، تجيب ال bile على بره

يقوم ال Jaundice يقل ويتحسن

فال ERCP وال PTC ليهem therapeutic value و diagnostic value

لكن ،

ال MRCP ، ده diagnostic بس

ملوش therapeutic value

أومال ، إمتي ال CT scan بيقا مهم ؟؟؟

لو Malignant ، مش stone

لو Stone بيقا ال ERCP كفاية

إمّا لو malignant ، ال CT scan ، Is a must

ليه ؟؟؟

Staging

دلوقتي يا أولاد ،

لو حد عنده cancer head pancreas ، ال CT is very important
عشان ال staging

طيب ،

بعد ما أعمله ال CT scan الخطوة الجاية إيه ؟؟؟

Follow up

أعمله إيه ؟؟؟ أعمله follow up بإيه ؟؟؟

ب tumor marker

اللي هو أشهرهم ؟؟؟

Carcino-embryonic antigen (CEA)

Pancreatic onco fetal antigen (POFA)

Pancreatic cancer associated antigen (PCAA)

لكن ،

يعني ال carcino embryonic antigen

واضحة يا أولاد ؟؟؟

طيب ،،

إزاي نعالج حد عنده malignant obstructive jaundice ؟؟؟

• Operable ؟؟؟

• ولا Inoperable ؟؟؟

لو Operable ، Whipple's operation

إيه Whipple دي ؟؟؟

Pancreaticoduodenectomy

وليه يا أولاد بنشيل ال duodenum مع ال head ؟؟؟

عشان نفس ال blood supply

واضحة يا أولاد ؟؟؟

طيب ،

إزاي نعالج واحد عنده cancer head pancreas ، Inoperable ؟؟

Stent

بركبه ب technique اسمه إيه ؟؟؟

راندفو تكنيك

واضحة يا أولاد ؟؟؟

قولناها كام مرة دي ؟؟؟

كثير ، تحسوا إننا قايلنها المرة اللي فاتت

وينقولها المرة دي كمان

أومال إزاي نعالج ال calcular obstructive jaundice ؟؟؟

بصوا يا أولاد ،

ال calcular obstructive jaundice ، فيها حاجات كده يا أولاد ، هتتسوها

إيه رأيك يا ولا ، العيل العبيط ، العيل العبيط

لما أقوله إزاي نعالج calcular obstructive jaundice ينسى إيه ؟؟؟

Pre operative preparation

معقولة يا أولاد ، فيه طالب ينسى يقولك : علاج calcular obstructive jaundice ،

Ryle و Line و catheter و fluid و mannitol و vitamin K و antibiotic

عارف لو نسي

Semian crease و mongol و عنده

تجيب عيان عنده prolonged prothrombin time وتعمله عملية ، عشان العيان يمك فيك

تجيب عيان عنده jaundice ، هيجيله renal failure ، وتعمله عملية

إزاي تنسى ال preparation ؟؟؟ How إن أنت تنسى ال Perparation !!!!

يبقا أول حاجة في ال calcular obstructive jaundice إيه ؟؟؟

ال Preparation

Ryle و Line و catheter و fluid

و vitamin K و mannitol و antibiotic

ليه يا أولاد بندي vitamin K ؟؟؟

أحسن ال Prothrombin time

ليه mannitol ؟؟؟

عشان يغسل ، عشان يمنع ال hepato-renal failure

وليه antibiotic ؟؟؟

عشان ال ascending cholangitis

طيب ،

بعد ما أعمل Preparation ، السؤال اللي جاي ،

أنا في مستشفى إيه ؟؟؟

يعني كلنا ، مهما كانت المستشفى ، كلنا بنعمل ryle و Line و catheter و fluid و vitamin K و Mannitol و antibiotic

وبصراحة ،

لو حد نسي ال pre operative preparation ،

أنا مش هكمل قرابة السؤال

الدكتور إمام ، في اجتماع القسم

بيقول : العيال بنقولهم واحد عنده supra chondylar fracture ومش حاسين ال Pulse نعمل إيه ؟؟؟

اللي يقولك : إفتح ، وأصلح ال artery ، وأخيط

وينسى

إن الأول لازم reduction لل fracture ده
أنا مش هكمل قراية السؤال

نفس الحوار هنا ،
لو واحد نسي ال Pre operative preparation ،
أنا مش هكمل قراية السؤال
ده معالجش العيان

طبيب ،
افرض إنت عملت preparation ،
Ryle و Line و catheter و fluid و Mannitol و antibiotic
وبعدين أسأل نفسي سؤال ؟؟؟
هو أنا في مستشفى إيه ؟؟؟
أطلع مثلاً في مستشفى التخصصي ، في مستشفى الدمرداش ، مستشفى كبيرة
خلاص ،
ERCP و sphincterotomy و خلاص

طبعاً إنتوا فاهمين أكيد ،
أي حد فيكم بيراجع النهاردا ، بنخش بال ERCP بالمنظار ، ونروح قاطعين ال sphincter
وندخل ال dormia basket ونقوم شايلين ال stone

هو فيه سؤال ،
إيه sphincterotomy دي ؟؟؟
يعني هقطع ال sphincter بالمنظار

ساعات يقولوا عليها : sphincterotomy ، وساعات يقولوا عليها بابلوتومي
دي صح ودي صح

طبيب ،
إيه الحكمة من ده ؟؟؟
عشان ال stone تطلع ،
يعني هتسيب ال sphincter سليم ، وتشد ال stone
هتلاحظ إن ال stone مش راضية تطلع

تقول : يا ري ، ال stone مش راضية تطلع ليه !!!
تطلع إنت اللي غبي ، سايب ال sphincter سليمة
ما أنت لازم تقطع ال sphincter دي عشان ال stone تطلع

عشان متقعدش تهوبص بقا ،
أوعى تنسى ال sphincterotomy
أزعل منك أووووي ، إنك تنسى sphincterotomy أو بابلوتومي

يا دي يا دي

وبعدین اشد ال stone ب dormia basket

خلي بالكم من حاجة يا أولاد،

بصوا 😊 العيانة كان عندها إيه في الأصل ???

Chronic calcular cholecystitis

دخلت في درس إيه ???

ال Obstructive jaundice ،، لما stone نطت في ال common bile duct

وبعدین دخلت فی ال Charcot's triad

بصوا، أنا عملت إيه ؟؟؟

إدیتھا anti biotic

obstructive jaundice راحت راجعة

روحت شادد ال stone من ال common bile duct

chronic calcular cholecystitis راحة

أقوم عامل laparoscope و cholecystectomy

😊 خلااااااااااا

فاهمين اللعبة ؟؟؟

الولية بدأت ب chronic cholecystitis

کان علاجها cholecystectomy یس

هي سكتت ومرضتش تعمل العملية ،،

راحت قالبه ب obstructive jaundice «

ascending cholangitis وبعدين جالها

أنا برجع بيها تاني ،

بدیلها antibiotic

obstructive jaundice أقوم أرجعها

شلت ال stone من ال common bile duct

chronic calcular cholecystitis رحعت

laparoscopic cholecystectomy وبعدين

پس

واضحة يا أولاد ؟؟؟

طیب

أنا لو في مستشفى حوكشة الدولي 😊

ولا أنا عندي أي حاجة خالص،، وشغال بمكر كروم ☺ " الى مبقاش موجود " أفتح

تفتح تعمل إيه يا أولاد ???

تشيل ال gall bladder

وأفتح ال common bile duct ، و مد stone foreceps شيل ال stone

فاهمين يا أولاد ???

يعني واحدة عندها ،

calcular obstructive jaundice

اعملها preoperative preparation

وخش افتح بطنها ،

أشيل المرارة ليه ???

عشان عمالة ترمي stones عليا

طيب ،

وأفتح ال common bile duct ، وأشيل ال stones ليه ???

أصل الحالة obstructive jaundice يعني ☺

أنا لو استنيت يوم واحد ، أو يومين ،

وجبت واحد فيكم ، وقولتله : تعال يا حبيبي ☺ إزاي تعالج ال chronic calcular cholecystitis ???

هيقولي : cholecystectomy

هقوله : أفتح ال common bile duct وأشيل ال stone ولا لا ???

يفتح ال common bile duct ويشيل ال stone ليه !!!!!

إذا كان العيانة عندها chronic calcular cholecystitis

أنا جبلك سيرة ال jaundice !!!!

طيب ،، ما تشيلها اللوز

هي بالظبط زي ما تشيلها اللوز

هي هي ،، دا مرض تاني

ال chronic calcular cholecystitis ،، ده علاجه إيه ???

Cholecystectomy

العيانة اللي عندها ،، calcular obstructive jaundice

ده عندها مرضين :

• عندها chronic calcular cholecystitis

• وعندها obstructive jaundice

عشان كده عملتها عمليتين

إذا مرض واحد ،، عملية واحدة

مرضين ،، عمليتين

فاهمين يا بشمهندسين ??? إن شاء الله

يعني ال chronic calcular cholecystitis « علاجها إيه ؟؟؟

Cholecystectomy

لكن «

ال calcular obstructive jaundice « علاجها إيه ؟؟؟

cholecystectomy هعمل

وأفتح ال common bile duct أشيل ال stone

لأن دي عيانة Jaundice

بصوا يا أولاد «

دلوقتي لو واحدة عندها « calcular obstructive jaundice

وأنا هفتح وأشيل المرارة «، وأفتح ال common bile duct وأشيل ال stone

يقولك : بعد ما تشيل ال stone «، لو عندك منظار صغير أوووي يا أولاد «،

مينفعش ندخله من البوء ولا من ال anus

ده منظار صغير أوووي «

دخله ال common bile duct

وأبص بصة فوق «، وأبص بصة تحت «، وأطمئن إن الدنيا اشطة

افرض معنديش المنظار الصغير اللي الدكتور بيقول عليه ده

الي مش عارف اسمع اسمه ؟؟؟

يقولك تحط ال T tube جوا «،

واحقن صبغة جوا العمليات وصور «، يقولوا عليها : Intra operative T tube cholangiography

احقن صبغة جوا العمليات وصور

يقولوا عليها : Intra operative T tube cholangiography

معندكش صبغة «، ولا تصوير في أوضة العمليات تعمل إيه ؟؟؟

حط ال T tube واطلع «، وسيبها

يا لهوي يا ضكتور «، يعني نحط ال T tube في ال common bile duct وأسببها كده ؟؟؟

أه

تطلع فين يا ضكتور ؟؟

بره «، بره " إيموشن دكتور بجواب من طرف مناخيره "

ما هيخر bile يا ضكتور في ال tube ؟؟؟

ما بنجمعه في كيس

وبعدين نشوف مثلاً «، جاب النهاردا «، 400 ملي ونرميهم «، ونديله مكانهم 400 ml ringer lactate

أوعى حد يأخذ ال bile اللي طالع ده من الكيس

إحنا يا أولاد «، بنرمي ال bile اللي طالع من الكيس

ونحط مكانه ringer lactate عشان ميجلوش electrolyte imbalance

لمدة أد إيه ؟؟؟

عشرة أيام

إشمعنا 10 أيام ؟؟؟

لغاية ما ال omentum يحس بال T tube ،، ويحوط عليها

طيب ،،

يا ضكتور ال omentum بيأخذ 48 ساعة ؟؟؟

مع الزائدة الملتهبة

أو مع ال gall bladder الملتهبة

لكن ،،

Inert T tube دي

فعلي بال ما ال omentum يحس بيها ويحوط حوالها ،، بيأخذ وقت

بيأخذ عشر أيام على الأقل

طيب ،،

بعد 10 أيام ؟؟؟

احقن صبغة في ال T tube ،، في قسم الأشعة ،، مش في العمليات

فاهمني يا أولاد ؟؟؟

فبنحقن صبغة في ال T tube ،، نضمن إن السكة patent

وبعدين أشدها ،، تطلع معايا

إيه يا ضكتور ،، هي ال T tube سهل إنها تطلع بسهولة كده ؟؟؟

أه ،، تشدها كده تروح طالعة علطول

طيب ،،

يا ضكتور إنت لو شديتها مثلاً كده ،، ما هتخر bile ؟؟؟

ما يخر ويطلع على بره ،، شوية وال Omentum هيقل و heal by fibrosis ويقفل الفتحة

طيب ،،

يا ضكتور هو مقفلش ليه قبل ما تشد ال T tube ؟؟؟

عشان ال T tube كانت سايباه مفتوحة

لما شديت ال T tube ،، ال track هيقل ب fibrosis

طيب ،،

يا ضكتور لو شلت ال T tube ،، بدري قبل عشر أيام ؟؟؟

ال bile يقوم نازل ال peritoneal cavity

ويقوم عامل : generalized peritonitis ،، والعيان يموت

وال examiner يعمل فيك إيه ؟؟

يسقطك

لعلمك ،، كلهم مستنيين حاجة واحدة في الدنيا ،،
إنك تشيل ال T tube ،،
وتلاقي ال examiner يا أولاد ،، يقعد يطبطب عليك كده ،،

يقولك : افرض يا ابني ،، العيان اللي مركب ال T tube ،، عملته radiography ،، لقيت السكة patent
بعد يومين ،، أشيل ال T tube ؟؟

إنتوا عارفين لو حد شال ال T tube ،، قبل عشر أيام ،، يتولع فيه
محدث بشيل ال T tube من العيان قبل عشر أيام

على بال ما ال Omentum يحس بال T tube
ويحوط حوالها
واضحة يا أولاد ؟؟؟
والله هو كده كفاية ،، فاضل حاجة اسمها Missed stone أو retained stone
يا ريت يا أولاد تذاكروها ،،
أنا منبه أهو ،، إن ال Missed stone بتتذكر أو ال retained stone

تم بحمد الله الإنتهاء من تفريغ المحاضرة رقم 10

ربنا ييسر ويتفرغ الباقي
الساعة 7 و 45 دقيقة صباحاً
24 سبتمبر 2012

الشريط رقم 11 ،،
بسم الله الرحمن الرحيم

تفتح ال common bile duct
عشان تشيل ال stone ،،
افتح ال duodenum كمان ،، ووصل ال common bile duct بال duodenum
اعمل حاجة اسمها choledochoduodenostomy
توصل ال common bile duct بال duodenum

بصوا يا أولاد ،،
جميلة على فكرة ال choledochoduodenostomy
ليه بقا ؟؟؟

ال bile هينزل في ال duodenum

فيه stone إنت نسيته ،،
يا عم متخفش ،، هتعدى

مش مرتاح ،،
ال common bile duct واسعة أووووي كده ليه ؟؟؟!!!

مش مهم ،،
هو ال bile هينزل passive

الفكرة ،،

هتفتح ال common bile duct على ال duodenum بفتحة كبيرة كده ،،

الميزة الرهيبة ،، الميزة الرهيبة

إن شلالات ال bile هتنزل على ال duodenum

ما هو زي ما ال bile بينزل ،،

محتويات ال duodenum هتخش ال common bile duct

فال choledochoduodenostomy ميزتها الرهيبة ،، إنها بتفتح سكة ال bile

شلالات ال bile على ال duodenum

عيبها ،، إنها ممكن تعمل ascending cholangitis

هي العملية دي يا أولاد اسمها choledocho ليه ؟؟

عشان ال common bile duct اسمها choledochal

عشان هو بيفتح ال common bile duct في ال duodenum

فيقولوا عليها : choledochoduodenostomy

واضحة يا أولاد ؟؟؟

بعملها إمتى ؟؟؟

لو فيه stricture ،، أو multiple stones

ولازم تبقا ال common bile duct تكون dilated أو ووي

نركز في دي ،،

ليه لازم ال common bile duct تكون dilated أو ووي ؟؟؟

اعمل حساب ال Healing by fibrosis

ليه لازم يكون ال common bile duct ،، تبقا dilated أو ووي ؟؟

أيون ،، نعمل حساب ال healing

نعمل حساب ال Healing يا أولاد بال fibrosis

عشان كده محدش بيعمل choledochoduodenostomy إلا في dilated common bile duct

محدش بيعمل choledochoduodenostomy ،، إلا dilated common bile duct

والله يا أولاد ،،

ممكن تكون طلبه فهمتني ،،

نقوم نسيبهم !!!!

ولادنا ☺

يقولك : طيب ،، افرض ال common bile duct مش dilated ؟؟؟ وإنت خايف بقا تعمل choledochoduodenostomy ؟؟

خايف تعمل choledochoduodenostomy ،، يحصل Healing by fibrosis فتعمل stricture ؟؟؟

فيقولك : افتح ال duodenum ،، واقطع ال sphincter ده خالص

حتة ال sphincter دي خليها patulous

اقطع حنة ال sphincter ،،

هو هنا فيه sphincter يا أولاد ؟؟؟
أه

إسمه إيه ؟؟

Sphincter of oddi

اقطعه ،، خليه patulous

اللي هو بطريقة السباكين ،، مد يا ولا سلك جوا ال sphincter وقوره ،، لغاية ما يبقا patulous

يقولوا عليها transduodenal

لأنك فتحت ال duodenum

Sphincteroplasty

يقولوا عليها : transduodenal sphincteroplasty

فيه عيب صغنن أوووي يا أولاد في العملية دي

تدخل bile في ال pancreas

تقوم تعمل إيه ؟؟؟

Pancreatitis

بأمانة يا أولاد ،،

العمليات دول وحشين :

• ال choledochoduodenostomy

• وال transduodenal sphincteroplasty

هو أنا بشرهم ليه ؟؟

بجد ،، كل دفعة بيكون فيها حوالي 20 دكتور

محتاجين وقت شوية

العشرين دكتور دول يا أولاد ،، اتفرج عليهم جوا اللجنة ،، طلاقة ☺

طلاقة ،، مذاكرين حلو جداً

يعني تقوله مثلاً : إزاي يا حبيبي تعالج calcular obstructive jaundice ؟؟؟

يقولك : اعمله investigation ،، ERCP

تقوله : يا ابني ،، أنا بقولك إزاي تعالج ال calcular obstructive jaundice ،، إزاي تعالج إنت مبتفهمش ؟؟؟؟ إنت أطرش يالا ؟؟؟

بقولك ،، إزاي تعالج calcular obstructive jaundice ؟؟؟ "إموشن aggressive ☺"

يقولك : by surgery

اللي بيسألك ده في الجراحة يعني مش في الباطنة ،،

تقوله : طيب ،، تحب تعمل إيه ؟؟؟

يقولك : نعمل choledocho ،، choledocho ،، choledocho

Choledocho إيه عايزين نروح يا ابني ،،

طیب،

عمل cholecystectomy ???

يفكر ☹

لازم أعمل cholecystectomy ، لأنها بترمي عليا كل شوية stone

لازم أشيلها

الواد اللي فات ده واد ضايع، ده المفروض تمشيه، إنت عندك عيال بردو، ططبط عليه وخليه يمشي

افرض الواد جامد ،،

تقولہ : إزاي تعالج ال calcular obstructive jaundice؟؟؟

يقولك : أول حاجة ال pre operative preparation «

antibiotic وال Mannitol وال vitamin K وال fluid وال catheter وال Line وال ryle وال

العيان ده بيكون عنده ال Prothrombin time « prolonged « ، فلازم نديله vitamin K

ولازم ندیله antibiotic عشان ال ascending cholangitis

to avoid hepato-renal failure « wash Mannitol و عشان يعمل

وبعدین ؟؟؟

يقولك : according to technical support

لو في مكان يسمح يعني،، هنعمل ERCP with sphincterotomy ونشيل ال stone ب dormia basket

Later on,

Laparoscopic cholecystectomy

ليه laparoscopic cholecystectomy مش Open ???

المستشفى الى فيها ERCP وتعمل sphincterotomy وتشيل ال stone ب dormia basket

laparoscopic cholecystectomy فيها technical support إنها تعمل

[illegible]

طیب

تسألہ : لو ال technical support میسمحش؟؟؟

يقولك : لو ال techincal support ميسمحش ،، هفتح أعمل cholecystectomy ،، و منظار صغير الى بتشوف به ال duct

تکلمه فی ال T tube یسد

تقوم تسييه ؟؟؟؟

تبدأ بقا،، تحاول تسقطه ☺

تقوله : افرض يا ابني ☺ يا حبيبي ☺

لما يقولك يا حبيبي ،، يبقا فيه حاجة جاية وراها

لقيت ال common bile duct مليانة stones ، و dilated أووووي كده

" خلى بالك لو لقيت ال common bile duct كانت dilated أو ووي كده بقا بقالها فترة طويلة مسدودة "

نخاف لیكون فیہ stricture

مستشفى وسخة ،، افتح العيان
عمل cholecystectomy و choledochoduodenostomy

وال discussion بتاعك كله ،،
هيكون في ال T tube

ال discussion بالكامل هيكون عن ال T tube

ال T tube بنسبها في العيان أد إيه ؟؟

10 أيام

لغاية ما ال Omentum يحس بيها

طيب ،،

إنت سايب ال T tube كده في العيان عشر أيام ،، بتطلع إيه ؟؟؟

Bile

أحسب كمية ال bile ،، وأديله بدالها ringer lactate

كل ال discussion بتاعك على ال T tube

لكن ،،

افرض إنت جامد أوووي وعمال تجاوب ،،

Multiple stones ممكن يفتح معاك حكاية لو ال common bile duct كانت dilated أوووي وفيها

عمل choledochoduodenostomy

طيب ،،

لو ال common bile duct مش dilated ،، بس فيها multiple stones ؟؟؟

ممكن نعمل trans duodenal sphincteroplasty

واضحة يا أولاد ؟؟؟ إن شاء الله

كده بتهيألي ال treatment اتقفل

مش فيه كلمة مش فاهمينها إن شاء الله

واضح يا أولاد ال treatment بتاع ال calcular obstructive jaundice

طيب ،،، نجرب حاجة

يلا يا وحش ،، إزاي تعالج Cancer head of pancreas ؟؟؟

Operable ولا inoperable

أقوله ليه ؟؟؟

system : يقولي

لو العيان operable بعمل إيه ؟؟؟

☺ Operation

Whipple's operation اللي هي pancreatico duodenoectomy

بيقولك : السرطان ممكن يأكل ال duodenum ،
خلاص ،

اعمل gastro jejunostomy
يقوم الأكل يجي ينزل ، يلاقي السكة مسدودة ، يقوم نازل هنا

دكتورة ،

هو عيان ال cancer head of pancreas اللي هو Inoperable ، بنخاف من إيه أساساً ؟؟؟
من ال Jaundice ، برافو عليكي هايلة

تقولي : يعني إنت عمال تفكر في الأكل اللي ممكن ميطلعش في المعدة ، وناسي ال Jaundice
مش أنا معايا ال Jejunum ،
هاأخده وأحطه في ال gall bladder أو ال common bile duct

بعمل حاجة اسمها cholecysto-jejunostomy
أو choledochojejunostomy ، يقوم ال bile ينزل

لما جُم عملوا العملية بالطريقة دي يا أولاد ،
لقوا إن فيه مشكلة ،،
الأكل بينزل من المعدة ،،، وزى ما ال bile هينزل على الأكل
الأكل ممكن يخش هنا ،

هو إزاي يا أولاد الأكل ينزل من المعدة يروح على ال gall bladder ؟؟
أنا السبب ،

أنا اللي فتحت المعدة على ال Jejunum
ورocht فاتح ال Jejunum على ال gall bladder
فالأكل دخل ال gall bladder

طيب ،

لو عايز الأكل ميوصلش ال gall bladder ؟؟؟
اعمل عملية اسمها jejuno-jejunostomy
الي هي حكاية الفيل والأرانب

كان مين اللي عايش هنا يا أولاد ؟؟؟
الأرانب ، تمام

الأرانب كانت عايشة هنا ، وكان الفيل في طريقه إلى عين الماء بيدوس على الأرانب يموتها
فحزن الأرانب حزناً شديداً
وعملوا حفرة للفيل في الطريق وغطوها بالعشب
وفي أثناء مرور الفيل ، وقع الفيل في الحفرة
وسعدت الأرانب سعادة كبيرة

فاكرين ؟؟؟ فاكرين حدوتة الفيل والأرانب ؟؟؟

هي دي المناسبة الي حكيتركم فيها الأرنب والفيل
عملية اسمها Jejunum-jejunostomy
واضحة يا أولاد ؟؟؟؟

هو ليه يا أولاد بحب أشرحها بحكاية الأرنب والفيل ؟؟
عشان أفهمكم ،، ☺

بصوا يا أولاد ،،
بنعمل gastro jejunostomy ،،
وبعدين أخذ من ال jejunum لل gall bladder
وأعمل حاجة اسمها cholecysto jejunostomy

كده الأكل هينزل ،،
بس وهو نازل هيعدي على ال gall bladder
يقوم بعمل cholangitis

أقوم أنا أعمل إيه ؟؟؟
وأنا نازل بال Jejunum كده ،، أعمل حاجة اسمها jejunum-jejunostomy
ينزل الأكل من هنا

الأكل مش عارف يطلع
ثانياً فيه حفرة ،، يقع فيها
فلما يقع هنا ،، ميوصلش ال gall bladder
هي دي ال Jejunum-jejunostomy

ولأنها ثلاثة anastomosis
• Gasto-jejunostomy أدي واحدة
• Cholecysto jejunostomy أو choledocho jejunostomy أدي اثنين
• و jejunum jejunostomy يبقا ثلاثة

نخلي بالننا من حاجة ،،
دي غير ال Whipple's operation
ال Whipple's operation بشيل الورم بال duodenum

ال Whipple's operation العيان ال Operable
ال Whipple's operation هو الي يتعمله ال Whipple's
بشيل الورم بال duodenum

لكن ،،
لو العيان inoperable ،،
هو ده الي يتعمله :

- يا stent
- يا triple anastmosis

لو عايز تحفظ واحدة منهم تبقا إيه ???

Stent

إشمعنا؟؟

أحدث

بصرحة ال triple anastmosis ،، دي زمااااااان

واضحة يا أولاد ولا لا ؟؟؟ إن شاء الله واضحة

تم بحمد الله الإنتهاء من تفريغ المحاضرة رقم 11

ربنا ييسر ويتفرغ الباقي

الساعة 9 و 41 صباحاً

24 ستمبر 2012

أقوم أروح المستشفى بقا أشوف فيه محاضرة تخدير باين 😊

لمزيد من المواد المفردة

على الفيس بوك

صفحة تفريغ المواد الطبية

www.facebook.com/dr.tafreegh

نحبكم في الله

إذا عجبك أي شيء متفرغ تابع لصفحة تفريغ المواد الطبية أو جروب تفريغ المواد الطبية

وحییت حضرتك تنقله افضل

بذكر المصدر أو بدون

المهم أن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض باختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

😊 سلام بقا